

BODIREDI BJA KA BJO BOSWA



Go lokile, Ngwanešu Neville. Ke a le leboga, baena.

² Moso, bagwera. Ka nnete ke monyetla go ba mo mosong wo, ka tabarenekeleng. Ge . . .

³ Re pakile re rwele bjale, le go letela kopano ye kgolo go thoma ka San Jose, beke ye, ka—ka San Jose, California. Re ya go tloga ka pela ka morago ga tirelo, bakeng sa Lebopo la Bodikela. Gomme ka gona re tla ba tlase ka Coconut Gardens lebaka la e ka ba matšatši a mabedi, gape, Morena ge a rata, le Banna ba Kgwebo ba Bokriste. Gomme re letetše nako ye kgolo ka go Morena, ka Lebopong la Bodikela. Ba na le dikereke tše masomeseswai pedi ka go thekgo ya ditšelete, le bobedi mekgatlo ya San Joaquin, le meedi go kgabola Lebopo la Bodikela. Gomme ka fao re ka mabaleng a dipontšho kua. Ge ba bangwe ba bagwera ba lena, le a tseba, ba ba ka ratago go tsenela tše dingwe tša ditirelo, re tla thaba go kopana le bagwera ba lena le—le meloko ya lena.

⁴ Gomme re letetše. Ke na le tekolo ye kgolwane . . . tetelo, mosong wo, gomme kudukudu kopano e ka ba efe nkilego ka ba go yona, go le bjalo. Gobane, ke a dumela gore re no ba mo mantšiboeng a se sengwe se lokela go direga. Ke lebeletše pele go sona lebaka la nako ye telele. Gomme ke—ke a dumela gore re thwi mo ntlhaneng ya sona bjale, bakeng sa se sengwe, gore Modimo o ya go thuša bana ba Gagwe kgojana gannyane go rotoga tsela.

⁵ Le a tseba, Beibele e boletše, gore, “Ge lenaba le etla ka gare boka lefula, Moya wa Modimo o tla phagamišetša seemo godimo kgahlanong le lona.”

⁶ Gomme ge Modimo a efa Kereke ya Gagwe tšhegofatšo, gomme ba sepela go bapa ka go tšhegofatšo yela botelele kudu go fihla E eba setlwaedi go lefase, morago ba thoma go E kitimišetša tlase. Ka gona Moya wa Modimo o tla ka gare gomme o phagamišetša seemo godimo gape, gomme go ba go phulega ga tsošeletšo goba selo se sengwe.

⁷ Gomme dikholfelo tša rena tše kgolo ke se, gore, le lengwe la matšatši a, Moya wa Modimo o tla romela morago Jesu Kriste lefaseng, gona e tla phethagala nako yeo. Seo e tla ba selekane sa kgonthé.

⁸ Bjale ba no be ba eme, go dikologa ma—ma maboto le dilo, le gohlegohle moagong. Ke kopane le monna a etla ka gare, ge ke phakile koloi ya ka, gomme o rile . . . Ke rile, “Ke tla e tlogela e dutše fa, le sekgonyo, gona o ka kgonà go tšwela ntle nako efe kapa efe o nyakago.”

⁹ O rile, "Gabotse, ke lekile go tsena ka gare. Ga se ke kgone go hwetša lefelo go ema."

¹⁰ Gomme kereke ya rena ke ye nnyane kudu bakeng sa kopano. Eupša go tlogeng mosong wo . . . Gomme re e tsebišitše Lamorena la go feta, go beng fa, le go tla go rapelela balwetši. Le go le fa ditaelo ka se re sa tšwago go se bona se direga. Gomme go bile bontši, ka mogau wa Modimo, go oketšwa go yona, bakeng sa mosong wo.

¹¹ Bjale, re rerile, le ba bangwe pele ga rena, ka go Tla ga kgauswi ga Morena, go Tla ga ka pela. Gomme re a dumela gore Go golela kgauswana. Ka nnete, Go a dira, letšatši ka letšatši. Eupša ge re ka ema le go nagana, gore, le lengwe la matšatši a, le ya go le kwa lekga la mafelelo, gomme ka gona Morena Jesu o tla tla.

¹² Lefase lohle, mehlare, tlhago yohle, batho, Kereke, se sengwe le se sengwe, se a tsetla, se a lla, se swareletše, se letetše letšatši lela, bakeng sa go Tla ga Gagwe. Tlhago e a tseba gore e tla—e tla ikuhutša go tlaišega nako yeo. Gomme batho ba a tseba ba tla ikuhutša go tlaišega nako yeo. Lehu le tla lahlegelwa ke go kgwaparetša ga lona ga mafelelo, gomme lebitla le hele di tla metšwa ke phenyo.

¹³ Ke be ke thabile kudu, mosong wo, go kopana le modiša yo monnyane yo mo yo a go re ralokela mmimo le go opela, go tšwa Sellersburg. Yo mongwe wa banešu o be a bolela ka tsošeletšo e eya pele godimo kua. Gomme ke a thanka ba šetše ba e tsebišitše, le go ya pele, kafao seo se kaone kudu. A nke Morena a ba šegofatše godimo kua, ka go matsapa a mangwe le a mangwe ba a beago pele, ke thapelo ya ka ya go hlokofala, bakeng sa Mmušo wa Modimo.

¹⁴ Bjale, Lentšu la Morena le bohlokwa kudukudu go rena. Re tseba seo. Kafao, lehono, ke a dumela gore re kgaušwi kudu le go Tla ga Morena, gomme mašemo a hloka kudu.

¹⁵ Ke be ke sa no bolela le ba bangwe ba baena. Ke a dumela karolo ye kgolo ya bodiredi bja ka e tla beelwa mošwamawatle bjale. Re beakanya ka Afrika, thwi ka morago ga Krisemose, le godimo ka Australia le a mantši a mafelo. Morena o a sepela bjale le go bula ditsela bakeng sa rena. Re bile le ditaletšo, go dikologa lefase, lebaka la nako ye telele. Gomme re ka kgona go tšea yeo thwi ka morago ga Krisemose bjale, ge bohole le ka re rapediša.

¹⁶ Bjale ke na le mo pele ga ka Lentšu la Modimo le robetše le butšwe. Bjale ke butše matlakala morago, gobane, nameng, le ka thušo ya Modimo, ke kgona go dira seo, go goga go bula Beibele. Eupša ga ke kgone go bula mateng. Go ne yo Motee feela Yo a ka kgonago go dira seo, gomme yoo ke Modimo, a nnoši. O be a le Yena Yo a E ngwadilego, ka Moya wo Mokgethwa wa Gagwe, gomme Ke Yena a nnoši yoo a ka bulago Beibele go rena. Gomme

ke a tshepa gore O tla bula dipelo tša rena ge re E bala, gomme o tla E dira e tsebje go rena.

¹⁷ Ke tla no ba yo mokopana, mosong wo. Sa pele, ke nyaka go dira bjalo ka ge ke tshepišitše go dira, go le botša tšohle tše di sa tšogo direga mo matšatšing a se makae a go feta, mabapi le go fetoga ga bodiredi bja ka. Gomme morago, ke ne sehlogo se sekopana, morago re rapelela balwetši. Gomme ke a dumela go na le kolobetšo, gobane ke bone mogobe o tladišwe.

¹⁸ Eupša pele re eya kgojana, a re inamišeng dihlogo tša rena feela nakwana bjale ka thapelo. Gomme ke a makala, ke batho ba bakae ka fa bao ba lemogago gore le hloka Modimo, gomme le tla phagamišetša diatla tša lena godimo go Modimo? Le go re, bontši kudu go direng bjalo, “Nkgopole, Morena. Ke hloka dilo tše bjalo-le-bjalo.”

A re rapeleng.

¹⁹ O Morena, ka go homola, re a lemoga gore re swanetše go tla ka setu ka Bogoneng bja Modimo. “Ka gore yo a tlago go Modimo o swanetše go dumela gore O gona, gomme ke moputsi wa bao ba tla Mo nyakago ka therešo.” Gomme re tla ka go homoleng ga Moya, go Terone ya Gago, O Modimo. Gomme re phagamišetša dipelo tša rena godimo pele ga Gago, le go re, “Di puruputše, O Morena.” Gomme ge go ka ba selo e ka ba sefe sa ditšhila ka go rena, se tloše, Morena, bokgole bjo Bohlabela bo lego go tšwa Bodikela. Gomme ge go ka ba bokgopo e ka ba bofe ka dipelong tša rena, se sengwe seo se tla šitišago dithapelo tša rena go arabja, re a rapela gore O tla dumelela Madi a Morena Jesu go tloša patso ye nngwe le ye nngwe go tloga go moya wa rena le pelo ya rena. Ka gore go ngwadilwe, “Ge ke amere bokgopo ka pelong ya ka, Morena a ka se nkwe.” Gomme Wena o bone diatla ge di ile godimo, tše, go mahlo a rena a tlhago, di emetše tlhoko ya dipelo tša bona. Re a rapela, O Morena, gore O tla araba yo mongwe le yo mongwe wa bona. Go na le ba bantsi ba ba hlokago.

²⁰ Gomme re tla kgopela, ka phuthegong ya batho mosong wo, gore O tla elelwa kopano ye ya San Jose ye e tlago. Re thuše, O Morena, bjalo ka ge dimaele tše makgolo tša lehlwa le aese di robetše pele ga rena, go sepela. Eupša re ya Leineng la Morena, go leka go dira tšohle tše di robetše go gare ga rena, go thuše batho ba Gago, Morena, go thuše balahlegi go Go hwetsa bjalo ka Mophološi wa bona, le go thuše bafokodi le difofu, le go thelediša tsela bakeng sa ba bangwe ba ba tlago go re latela.

²¹ Šegofatša kereke ya rena ye nnyane le modiša wa yona, Ngwanaborena Neville, bahlokomephahlo bohole, matikone, le maloko, le barutiši bohole, le bohole ba ba amanago. E sego feela yeo, eupša dikereke tšohle tše di emetšwego fa. Go banna bale ba baswa ba ba swerego ka Sellersburg, re tla kgopela, Morena, gore seatla sa Gago se tla otlogela ntle go bona, Morena. A nke

O tsošetše godimo Kereke ye maatla ya Modimo yo a phelago, ka Sellersburg. E fe, Morena.

²² Fodiša balwetši, efa pono go difofu, maatla go bafokodi, le phološo go bahloki.

²³ Ge re bala Lentšu la Gago, mosong wo, a nke Moya wo Mokgethwa o tle, o tsene ka Lentšung le go Le phediša dipelong tša rena.

²⁴ Šegofatša bao ba tla kolobetšwago. A nke ba tlatšwe ka Moya wo Mokgethwa, ge ba tsoga go tšwa meetseng, ba neela letago go Modimo. Hwetša letago go Wenamong, Morena.

²⁵ Gomme bjalo ka ge re kgobokane, mosong wo, bakeng sa go hlwekiša disoulo tša rena le dikgopolo tša rena, a nke re tloge tabarenakele ye, mosong wo, ka maikeši a mantši go feta re kile ra ba le wona, go direla Wena. A nke re phele, re phuthegile mmogo, re tatagane sekgauswi gomme re tlemilwe ke Moya wo Mokgethwa, go fihla letšatši lela ge re kopana ka Ntlong ya Gago ka Letagong, go dikologa Terone ya Gago, moo dimilione di tla bego di opela, "Hosiana! Hosiana!" A nke bohole re be Kua, ntile le go se be gona ga yo motee. E fe, Morena. Go fihla nako yeo, re boloke re phelegile, re thabile, gomme re tladitšwe ka Moya wa Gago, re Go direla. Dilo tše re di kgopela Leineng la Jesu Kriste. Amene.

²⁶ A nke Morena a oketše ditšegofatšo, ge re bala bjale ka go Puku ya Mokgethwa Mareka, tema ya 11, go thoma ka temana ya 1. Gomme ka gona ka morago ga feela setsopolwa se sennyane se, goba tlhohleletšo, morago ke tla ya go sehlogo sa rena. Ye ke palo bakeng sa se ke nyakago go le botša.

Gomme ge ba tlie . . .

²⁷ Ke kgopela tshwarelo ya lena. Ke nyaka go thoma go temana ya 10, go boloka nako, temana ya 10 ya tema ya 11.

A go šegofatšwe mmušo wa tate wa rena Dafida, wo o tlagoo ka leina la Morena: Hosiana magodimongdimong.

Gomme Jesu o tsene ka Jerusalema, le ka tempeleng: gomme ge a lebeletše go dikologa godimo ga dilo tšohle, gomme bjale . . . mantšiboa a be a etla, gomme o ile ntile ka Bethania le ba lesomepedi ba gagwe.

Gomme mo mosong, ge ba be ba etla ka Bethania, o be a swerwe ke tlala:

Gomme go boneng mohlare wa mogo kgole o na le mattlakala, o tlie, ge ka lehutšo a be a ka hwetša selo e ka ba sefe godimo ga wona: gomme ge a tlie go wona, ga se a hwetša selo eupša mattlakala; ka gore nako ya mago e be e seso ya ba.

. . . Jesu o fetotše gomme o rile go wona, Ga go motho a jago kenywa ya gago ka morago ga fa go ya go ile. Gomme barutiwa ba gagwe ba e kwele.

Gomme ba ttile Jerusalema: gomme Jesu o ile ka tempeleng, gomme a thoma go lelekela ntle bona ba ba rekišitšego le go reka ka tempeleng, gomme a phethola ditafola tša ba ba rekanyago tšhelete, le ditulo tša bona bao ba bego ba rekiša maeba;

Gomme a se dumelele motho le ge e ka ba ofe go rwala sebjana e ka ba sefe go kgabola tempele.

Gomme o rutile, a re go bona, Ke...A ga se gwa ngwalwa, ntlo ya Ka e tla bitswa go ditšhaba tšohle ntlo ya thapelo? eupša lena le e dirile legolo la mahodu.

Gomme bamangwalo le ba baprisita ba bagolo ba e kwele, gomme ba nyaka ka moo ba kago go mo fedisa: gobane ba be ba mmoifa, gobane bohle...batho ba be ba maketše ka thuto ya gagwe.

Gomme ge mantšiboa a ttile, o ile ka ntle ga toropokgolo.

Gomme mosong, ge ba feta kgauswi, ba bone mohlare wa mogo o omeletše go tloga medung.

Gomme Petro a gopola o rile go yena, Mong, bona, mohlare wa mogo wo o o rogakilego, o omeletše.

...Jesu a fetola o rile go bona, Ebang le tumelo go Modimo.

Gobane ruri Ke re go lena, Gore mang le mang a tla rego go thaba ye, Tlošwa, gomme o lahlelwe ka lewatleng; gomme a se belaele ka pelong ya gagwe, eupša a dumela gore dilo tše o tše a di boletšego di tla direga; o tla hwetša e ka ba eng a e boletšego.

Kagona Ke re go lena, Dilo e ka ba dife le di kganyogago, ge le rapela, dumelang gore le a di amogela, gomme le tla ba le tšona.

²⁸ A tshepišo ya mogau! Gomme ke Therešo ka go felela. Se se ile sa nkgakantšha, goba bjalo ka ge ke swanetše go šomiša tlhagišo yeo, nako ye telele. “Seo se ka kgona go ba bjang?”

²⁹ Gomme nako ye nngwe, ge la mathomo ke thoma go rera fa ka tabarenekeleng, mengwaga ye mentši ya go feta, ke kitimetše go lentšu la *hele*. Gomme ke kitimiša tšhupo go lona, makga a mantši, gomme le boletše ka *haedese*, ka Šegerike, ye e rilego, “lebitla.” Gomme ke be ke sa tsebe ke bolele eng, gobane ga ke nyake go ba le boikarabelo ka disoulo tša batho ka Letšatši la Kahlolo. Kafao ke le purupuditše, le go puruputša, go fihla ke hweditše se e bego e le Therešo. Lebaka la e ka ba mengwaga ye mene goba ye mehlano, ke be ke sa kgwathe thuto ya hele, go fihla ke hwetša se e bego e le Therešo ka yona.

³⁰ Gomme ka gona Lengwalo le le ile la nkgakantšha, le go feta, gobane le be le itilhaotše, tshepišo ye bjalo e dirwa e sego ke yo

mongwe ge e se Jesu Kriste. Gomme ge A rile go barutiwa ba Gagwe, “Dilo e ka ba dife le di bolelago, le ka ba le tšona. Ge o ka re go thaba ye, ‘Tomolwa gomme o tlošwe o išwe ka lewatleng,’ gomme wa se belaele ka pelong ya gago, eupša wa dumela gore se o se boletšego se tla tla go phethega, o ka kgona go ba le se o se boletšego.” Oo, ge re ka kgona go kala Mantšu ao! “O ka kgona go ba le se o se bolelago. È sego se Ke se bolelago, eupša se o se boletšego. O ka kgona go ba le se o se boletšego.”

³¹ Lebaka la mengwaga, ke dikadikile godimo ga seo. Ke ile go pukuntšu le tshwayotshwayo, photolelo ye nngwe le ye nngwe, ebile le go photolelo ya Douay. Gomme mofetoledi yo mongwe le yo mongwe o e fetolela go swana, “O ka ba le se o se bolelago.” Kafao, ke tseba gore, ge e ngwadilwe ka Lengwalong. Go nna, Lengwalo lohle ke Therešo. Gomme ge nka se kgone go Le arola gabotse, Le sa le Therešo.

³² Kafao ke a dumela, dinako tše dingwe, gore Modimo o no re dumelela go bona dilo ge e le nako go rena go bona dilo. O swere ditšhegofatšo tše. Go swana le ditšhegofatšo tše re ipshinago ka tšona lehono, borakgolo ba rena ba be ba sa ipshine ka tše. Ge e be e se sehla go bona.

³³ Ke kgona go elelwa ge Moya wo Mokgethwa . . . bošegong bjola ge ke bowa morago go teseke ye ya go swana, go tšwa tšhilong, moo ke bego ke rapela. Gomme ke boditše ba bantsi ba lena batho le dutšego mo, gore O be a ntaetše, ka Moya wa Gagwe, thomo go lefase lohle, gore, “Dihlotša di be di tla sepela, gomme difofu di be di tla bona, gomme dikgoši le bakgoma ba tla be ba bitša bakeng sa thapelo. Gomme e be e tla thoma tsošeletšo magareng ga baena, ye e bego e tla swiela go dikologa lefase, pele ga go Tla ga Morena.”

³⁴ Go be go le bothata go dumela seo. Go be go le bothata go nna go e dumela. Eupša seo ke se se diregilego. È nno dira selo seo. Go fihla, lehono, mello ya tsošeletšo ya Moya wo Mokgethwa e a tuka, lefase go dikologa: India, Afrika, Asia, gohle ka Yuropa, le mogohle. Banna ba Moya wo Mokgethwa, ba tladišwego ka Moya, ba tshuma lefase, ka tsošeletšo ya Maatla a Kriste yo a tsogilego; dihlotša di a sepela, difofu di a bona, difoa di a kwa, dimuma di a bolela. Mehuta yohle ya mehlolo ye mebotse e a direga, gobane Modimo o e tshepišitše. Gomme tshepišo ya Modimo ke therešo.

³⁵ Gomme ge ke thoma go eleletša godimo ga se, ke be ke sa kgone eupša go kgopela Yena Yo a bego a bolela le nna, “Ke be ke se ka lekanel.” Ke a nagana Modimo o ile a swanela go topa yo mongwe yo monnyane, wa go se iše felo, motho wa go se rutege, gobane, ka go seo, Yena, Modimo, o tšea se sengwe seo e sego selo, se sengwe seo se lahletšwego ntle.

³⁶ Seo ke se se ntirago go rata batho ba Modimo bjalo. Ba ba lelekela ntle, bjalo ka “bapshikologibakgethwa, goba batho ba

dihlaba.” Eupša ke ge Modimo a loketše go ba topa nako yeo le go dira se sengwe ka bona. Gomme go a Mo kgahla. Seo se laetša gore Yena ke Modimo, o tšeа lefeela le go dira selo se sengwe go tšwa go lona. O tšeа modiradibe boka nna, le go dira Mokriste; seatla sa Modimo.

³⁷ Ke Mmotšišitše ka bokgoni. Gomme O mpoditše gore ke be ke swanetše go rapelela batho ba go babja. Gomme thomo e bile, “Dira batho go dumela le go hlokofala, gona ga se gona se ka emago hleng ga thapelo.” Ba bantši ba lena mo le elelwa seo. Se ngwadilwe ka dingwalwa, go kgabaganya lefase.

³⁸ Ke botšišitše, “Nka kgona bjang go dira seo ge ke se ne thuto?”

³⁹ O rile, “Go tla ba le maswao a mabedi a fiwago wena, bjalo ka ge a filwe Moshe. Gomme le lengwe la wona le be le tla ba ka, boka seatla sa Moshe, O se fetotše go tloga go lephera go ya go phodišo.” Gomme—gomme morago sa go swana se diregile, ka go bea seatla sa ka godimo ga batho, gomme ka gona ka fao leo le dirilwego ka bolona go bonagala. Morago O rile, “O tla tseba tšona diphiri tša pelo tša bona.”

Gomme ke—ke rile, “Ke ka lebaka leo ke lego fa.”

⁴⁰ O rile, gona, O hlalošitše Mangwalo go nna. Gomme, oo, go tloga nako yeo, Beibele e bile Lentšu le leswa go nna. Ke bile le tebelelo ya go fapano go Lona, mmono wa go fapano wa Lona. Se sengwe se diregile.

⁴¹ Ka gona, moragwana gannyane, O rile, “Gona ge o ka hlokofala, wa dula o kokobetše, wa ahlogana le tšhelete le dilo,” o rile, “gona Le tla no tšwelapele le go šegofatša, gomme o tla tšwelapele o namelela.”

⁴² Ke makga a makae re lebelelago banna ba ba namelago godimo ka go direnke tše kgolo, boka, le go hwetša maina a godimo, eupša dinako tše dingwe seo ga se se Modimo a se bitšago godimo.

⁴³ Le elelwa ge Johane, ge a tlie a rera? Beibele e boleletšepele, gore, “Thaba ye nngwe le ye nngwe e tla kokobetšwa, gomme lefelo le lengwe le le lengwe la fase le tla phagamišwa.” Le a bona? Gomme ge e etla, le be le tla nagana e be e tla be e etšwa Legodimong ka dikoloi tša mollo. Eupša e be e le eng eupša monna wa modidi a apere seripana sa mokgophha wa nku o tateditšwe go mo dikologa, gomme ntle mašing a Jorodane, a rera. Mašing a leraga, ebile e sego ka kerekeng, eupša Modimo o biditše seo “bogolo.”

⁴⁴ Gomme ge Jesu a boletše go barutiwa, gore, “Go be go se yo a tswetšwego ke mosadi yo mogolo bjalo ka Johane Mokolobetši.” O tšeа dikgoši tšohle, le Dafida, moprofeta, le bothakga bjohle bjo bogolo bja Gagwe ka go Salomo, ebile ga se ba kgwathe

Johane. Gomme, efela, ebile o be a se ne lefelo go latša hlogo ya gagwe.

⁴⁵ Kafao, ga wa swanela go huma le maatla lefaseng le, go ba yo mogolo mahlong a Modimo. O swanetše feela go kokobela ka pelong ya gago. Gomme Modimo o bitša seo “bogolo,” yo e lego yo mogolo go lekanelo go ikokobetša yenamong. Yoo ke motho yo mogolo, yoo a tla—yoo a tla tšeago tsholo bakeng sa se sengwe le se sengwe, yoo a tla ikokobetšago yenamong. Bjoo ke bogolo.

⁴⁶ Ka gona re hwetša gore, se seo Modimo a se boletšego. Ka gona se begilwe go tšwa phuluphithing mo, lekga la mathomo. Le dirile feela tlwa se Le rilego Le tla se dira. Fao go tlie kereke ya Pentecostal, e swere tsošeletšo. Gomme, lehono, kereke ya Pentecostal ke kereke ye e golago ka lebelobelko lefaseng lohle. Ngwaga wa go feta ba ngwadišitše... Seo ga se re akaretše le—le tše ka ntle ga dikerekemaina... Milione o tee dikete tše makgolotlhano tša ditshokologo, ngwaga wa go feta, ye e akaretšago ka moka Boprotestant bjohle, bo beilwe mmogo, le Bokatoliki, le bjona. Bokatoliki bo bile feela le, ke a dumela, dikete tše makgolonne le masomešupa tlhano, se sengwe boka seo, basokologi, go dikologa lefase. Eupša Pentecost e ile milione dikete tše makgolotlhano. Modimo o dira Kereke ya Gagwe go lokela.

⁴⁷ Banna ba go se be le thuto, digrata tša fase, ba phagamela godimo ka Maatla a tlotšo ya Moya, go ya ntle ntle le thuto e ka ba efe goba e ka ba eng, le go bega mahumo a go se puruputšege a Kriste. Seo ke se e lego se segolo pele ga Modimo.

⁴⁸ Gomme re a hlokomela, gona, gore dilo tšohle tše di tukišitše mollo, gomme Moya wo Mokgethwa o bile go botega go Lentšu la Gagwe.

⁴⁹ Ka morago ga e ka ba mengwaga ye mehlano ya go tšeabatho ka seatla, ka gona bošegong bjo bongwe, ka go ya Queen City, ka Regina, ka Canada, monna o sepetsé go kgabaganya sefala, gomme fale o beile bophelo bja gagwe feela go bulega ka mo bo kgonnego go ba, pele ga Moya. Go bile le tlhatho, bjalo ka ge A tshepišitše. Yeo e bile go dikologa lefase. E ngwadilwe ka go a mantši, maleme a mantši, gabotse e nyakile e eba go dikologa lefase lohle, go fihla lefase lohle le tseba ka yona. Nako yeo lenaba la tla ka gare gomme la dira metlae ka yona, gomme la re, “E be e le go bala monagano.” Gomme go bile le dikekišo di etla tša yona, le se sengwe le se sengwe gape. Eupša bogareng bja yona yohle, Modimo o sepeletše thwi pele, go no swana. Modimo o dutše go rereša go tshepišo ya Gagwe ya go botega. O tla dira, nako le nako.

⁵⁰ Bjale re a hwetša, moragwana, ka gona, letšatši le lengwe ke be ke eya go—go thea dihlapi, tlase ka Dale Hollow, le banna ba bangwe, Mna. Wood le ngwanaboo. Gomme ba be ba le Dihlatse tša Jehofa, gomme ba nno sokologa le go kolobetšwa ka go

Tumelo. Gomme ge re be re sa thea dihlapi, godimo kgahlanong le leši . . . ke le boditše kanegelo, makga a mantši. Fao Mna. Wood o rile, Banks Wood, yola, yo mongwe wa bahlokomelaphahlo ba rena mo bjale, o boletše ka kgaetšedi tsoko wa kgale yo a bego a fela a ba fepa ka selai sa borotho bja go dirwa gae le potoro. O be a le wa Church of God. Gomme o rile, “Lyle,” go ngwanabó, “re swanetše go ya godimo le go mmotša gore re phološitšwe.”

⁵¹ Le a tseba, go no ba dilo tše rilego tše re ka go di bolela, tše di tšeago go swara le Moya wo Mokgethwa. Feela dilo tše rilego tše di Mo thabišago feela gabotse, gomme ge re bolela selo seo. Ke nyaka le hlokomele, “Se le se bolelago.” Ge re ka no hwetša se re ka se bolelago! Mantšu a gago a go ahlolá. Mantšu a gago a go sola, goba mantšu a gago a tla go šegofatša.

⁵² Gomme, ka go se lemoge, Banks o swanetše go be a boletše selo sa maleba. Ka gore go se fete ge a boletše seo . . .

⁵³ Ke be ke dutše ka morago ga sekepe, ke thea dihlapi ka lešika la go fofa, bakeng sa hlapi ye nnyane ya leswafobolou; go bewa lešikeng, bakeng sa tšeletši, ka gore re be re feletšwe ka tšeletši. Gomme ke be ke swara dihlapi tše nnyane tše le go di bea ka paketeng, bakeng sa lešika la go roromele.

⁵⁴ Gomme ge Banks a boletše seo, ka moka ka pela Selo se sengwe sa ntia. O boletše selo sa maleba. Gomme Moya wo Mokgethwa o boletše ntle gomme o rile, “O RIALO MORENA. O tla hwetša, ka go diiri di se kae tše di latelago, fao go tla ba le tsogo ya phoofolo ye nnyane.” Ke naganne e tla ba katsana yeo ke naganne mošemane wa ka yo monnyane o be a pitlide thata kudu, gomme a pitletše mohemo ntle ga gagwe, gomme—gomme o mo lahletše lebatong, pele re tloga. Ke naganne yeo ke ye e bego e tla ba. Eupša go makaleng ga rena, mosong wo o latelago, ge re be re dutše ka sekepeng . . .

⁵⁵ Ke a tseba Banks o mo. Ke a thanka Lyle . . . A Lyle o mo, Banks? Goba, ge o le, Lyle, phagamišetša seatla sa gago godimo. O tla fase, o na le rena, nako yohle.

⁵⁶ O be a . . . o swere hlapi, ka e tee . . . huku ye telele. Gomme o swere ye nnyane, hlapi ye bolou, gomme e meditše huku tsela yohle go theoga. Gomme o swere hlapi ye nnyane. Go na le gore a no ntšha huku go tšwa molomong wa gagwe, e be e swerwe botebong kudu, go fihla, o ile a no e goga. Gomme o gogile mo—mo mogodu, le mala, le maswafo, le tšohle, thwi go tšwa molomong wa gagwe. Gomme o nno e lahlela ntle godimo ga meetse, feela hlapi ye nnyane boka re be re thea dihlapi ka yona, bošego pele, gomme o be a ripile lekgolo la tšona, goba go feta, bakeng sa tšeletši. Gomme moisa yo monnyane o ile a roromela makga a mane goba a mahlano, gomme a leka go šoma molomo wa gagwe wo monnyane, eupša o be a sa kgone, gobane o be a tletšwe maswafong le go ya pele. Gomme Lyle o rile, “O ragile

phušušu, moisa yo monnyane.” Ke ile pele, ke thea dihlapi, ke sa nagane selo ka yona.

⁵⁷ Ka gona, Modimo o dira dilo go se tlwaelege kudu. Ka pelapela, ke ikwetše fao go etla Selo se sengwe, tlase bokagodimo ga tšona dithokgwa. Moya wo Mokgethwa o sepeletše tlase gomme o rile, “Emelela.” O rile, “Bolela le hlapi yela ye nnyane, gomme e tla ba le bophelo bja yona gape.” E be e robetše fale, e hwile, lebaka la seripa sa iri, e phaphametše morago ka mabjanyeng.

⁵⁸ Ke rile, “Hlatswana ye nnyane, ke go fa bophelo bja gago, Leineng la Morena Jesu.” Hlapi yela ye nnyane e phethogile, ya hlanogela godimo le go ya ntla go kgabola meetse feela ka maatla ka fao a kgonnego go ya. Ke eme fale, ke sa tsebe ke dire eng.

Ngwanešu Banks Wood o rile, “Ke mo go botse go rena go ba mo.”

⁵⁹ Gomme Lyle o rile, “Seo se be se e ra nna, gobane ke boletše selo sela go yena, ‘O ragile phušušu, moisa yo monnyane.’” Gomme o ile a thantshelwa gohole.

⁶⁰ Ke rile, “Aowa, ga se yona.” Ke be ke leka go homotša Lyle. Ke rile, “Seo ga se bjalo.”

Gomme ka gona Lengwalo le le tlile go nna gape.

⁶¹ Ke bile le bonnyane bana ba bannyane ba go wa dihwahwa mo lenaneong, go ba rapelela, batho ba bantši ka leukimia le kankere, le bolwetši bja mafahla, ba jelwe, sefofu, le sefoa, le semuma. Go na le letlakala ka morago ga letlakala, ka ntlong ya ka, le tletše ka bona, gomme go lebega o ka re Modimo wa kgaogelo a ka be a file bao go na le gore a šomiše Maatla a Gagwe godimo ga ye nnyane, hlapi ya kgale ya go se be bohlokwa.

⁶² Eupsa O dula a le Modimo. Gobaneng A se a šomiša Maatla a Gagwe go balephera mo kgorong, sebakeng sa mohlare wo monnyane wa mogo? Ke go dira eng? Modimo o nyaka go bontšha gore O a amega. O tseba dilo tšohle. Yena ke Modimo, godimo ga mohlare wa mogo. Yena ke Modimo, godimo ga hlapi. Yena ke Modimo, godimo ga tlholo. Yena ke Modimo, godimo ga dilo tšohle, gomme ga go selo se sennyane kudu goba se bohlokwa kudu eupša se A nago le kgahlego ka go sona. Kafao seo se tla re fa go tseba, le ge re ka ba ba bannyane le go se be bohlokwa, Modimo o ne kgahlego go rena go Mo direla se sengwe. O rata go pealatša Letago la Gagwe.

⁶³ Gomme seo se nkgomaretše thata kudu, go fihla ke sa kgone go khutša, mosegar le bošego. Yeo e bile mengwaga ye mebedi ya go feta, gomme kgafetšakgafetša e a ntlhorisa. Gomme ke be ke tla re, “Oo, ke no se kgone go bolela selo ka yona, gobane nka se kgone go e bea ka go Poelano. ‘Eng kapa eng o e bolelago, e tla tla go phethega. O ka kgona go ba le se o se bolelago.’” Gomme ke eme fa go phuluphithi ye ya go swana, le go leka, le go kitima

go Lengwalo; gomme ke e tlogetše, le go ya morago, gobane ke be ke boifa go e šomiša. O ka se kgone go ba le tumelo ntle le ge o tseba se o se dirago.

⁶⁴ Moisa tsoko o tlide go nna, e sego telele go fetile, gomme o rile, "Ngwanešu Branham, a o nagana ke phošo go Mokriste go kgoga motšoko?"

⁶⁵ Gomme ke rile, "O mpotšiša bakeng sa eng?" Ge go na le potšišo ka monaganong wa gago, o tlogele o nnoši. O se tsoge . . .

⁶⁶ O ka se kgone go ba le tumelo ntle le ge o na le nnete ka go phethagala gore o a reresha. Ge meriti yohle e hlehletše kgole, gona o ka kgona go ba le tumelo le boitshepo.

⁶⁷ Gomme ga se ke kgone go sepelela ntle kua le go rera Lengwalo lela, ke sa tsebe se ke bego ke bolela ka sona. Eupša, efela, ke tsebile e be e le ya Morena. Ba bantši ba lena batho le mpeela bohlatse, gore, lebaka la mengwaga ye mebedi ya go feta, le nkwele kgafetšakgafetša, go tšwa sefaleng se, ke bolela gore go na le se sengwe, se sengwe, felotsoko. Ke a se obeletša. Ke a tseba se batametše kgauswi. Ke no se kgone go bonala ke se swara. Ke tla re, "Ke bethile Lengwalo fale, ga ke tsebe ke dire eng."

⁶⁸ Gobane, Mangwalo, oo, o ka no bea tlhathollo. Ge yo mongwe a ka be a mpotšišitše, nkabe ke boletsé se sengwe go bona, gomme ka sepelela kgole, gomme ka se tima ka se sengwe gape. Eupša go lebana le taba . . . Go no swana le, re swanetše go lebana le taba, a kolobetšo ya Moya wo Mokgethwa e nepagetše goba e fošagatše? Re swanetše go lebanya taba, ke Jesu Kriste wa go swana maabane, lehono, le go ya go ile? A ke nnete goba phošo? Re swanetše go e lebanya. Re swanetše go tseba gore Lentšu la Modimo ka mehla ke therešo.

⁶⁹ Kafao, pele e ile, le godimo le fase. Gomme ke be ke tla e hwetsa ka monaganong wa ka, gomme ke be ke no se kgone go e tloša. Gomme mogohle ke bego ke tla ya, e be e tla tla go nna kgafetšakgafetša, "Ge o ka re go thaba ye, 'Tomolwa gomme o lahlelwe ka lewatleng,' gomme wa se belaele ka pelong ya gago, eupša wa dumela gore se o se boletsego se tla tla go phethega, o ka kgona go ba le se o se boletsego."

⁷⁰ Ke naganne, "Se ka kgona go ba bjang, Morena? Yoo e tla ba nna ke se bolelago. Ke tla . . . Se ka se dire botse, gobane e tla ba nna ke se bolelago. Kafao, nka se kgone go bolela selo eupša se O se boletsego. Gomme ke—ke no bolela seo, ka Mangwalo."

⁷¹ Gomme dilo tšohle di khutšitše ka go Poelano. Ga go ditšhegofatšo ka ntle ga Poelano. Ka baka la gore, re badiradibe, ka ntle ga Poelano. Ge e be e no ba selo sa tšekelele go yo mongwe le yo mongwe, gona yo mongwe le yo mongwe o be a tla phološwa. Eupša ke mokgwatebelelo wa gago go ditšhegofatšo tša Poelano, woo o tlišago ditšhegofatšo go wena.

⁷² Boka phološo, bokgole bjo Modimo a bego a amega, ke pholosítšwe ge Jesu a be a ehwa. Eupša e ka se tsoge ya ntira botse go fihla e utollotšwe go nna gore Yena ke Morwa wa Modimo, gomme ke Mo amogetše bjalo ka Mophološi wa ka. Gomme Lengwalo le lengwe le le lengwe le ka tsela ya go swana.

⁷³ Phodišo Kgethwa ke ya gago, ge Modimo a ka utolla yeo go wena, gore yeo ke ya gago. Eupša o ka se no e wela. E swanetše go tla ka kutollo. Gomme ge e utolotšwe, gore, “Ka megogoma ya Gagwe le fodišítšwe,” ga go selo se Sathane a ka kgonago go se dira.

⁷⁴ Bjalo ka ge ngwanešu yo moswa wa rena go tšwa Sellersburg a rile, “Bodiabolo bohole ga se ba kgona go e šuthiša,” nnete, ge se sengwe se utolotšwe.

⁷⁵ Hlokamelang. Ka gona, ka go lehlabula le la mafelelo, ba bantši ba rile go nna, “Gobaneng go le, mosong wo mongwe le wo mongwe, wena, ge o le gae, o swara raborolo ya gago le go tšeela ntle go dithokgwa go tsoma?”

⁷⁶ Ke nyaka le tsebe gore Yena ke Modimo wa dithokgwa go no swana le ge Yena e le Modimo wa toropokgolo. O no ba bontši Modimo ntle fale bjalo ka ge A le fa. Gomme Modimo ka mehla o mekamekana le banna go ya ka bokgoni bja bona, le eng. Boka Dafida, ka meetse a makhetšo le mafulo a matala, gobane o be a le modiši. Gomme ditsela tša go fapania A nago le tšona, go utolla, le se sengwe.

⁷⁷ Ke tla tsoga, mosong, go ya ntle dithokgweng, ka leselaphutiana ka kgonthe, tikologong ya iri ya bone, go tsoma sehlorana. Gomme mosadimogatša wa ka ebile o rile go nna, o rile, “Billy, a ga o tsoge wa lapa go ya go tsoma?” Le a bona, ntwa ye e thopilwe, e nnoši. Mosadimogatša wa ka ga a e kwešiše. Ga ke e kwešiše. Eupša ke ntwa. O swanetše go ema, o nnoši. Ga go yo a ka kgonago go ema le wena. Go no ba sekgorba sa gago le Jesu. Go se kwešišwe? Nnete.

⁷⁸ Ebile le go mosetsana wa ka yo monnyane kua, Rebekah. O rile, “Ge nka tsoge ka nyalana le monna, ge ebile a bolela go ya go tsoma, nka se nyalane le yena.” O rile, “Ke tseba se mme wa ka a bilego go se kgabola. Monnamogatša ntle, gomme o ile ka dikopanong; ka pela ge a etla gae, o tlimateela raborolo ya kgale goba kota ya go thea dihlapi, gomme o leba go ya dithokgweng.”

⁷⁹ Ke rile, “A bokaone o ka rata a dira seo, goba a o ka upše wa rata a topa mokgobo wa dikarata goba—goba hlogopudutšwana tsoko, gomme a tloga? Bjale e no goga kgopoloo ya gago.”

⁸⁰ Ge ke etla morago letšatši lela, o rile, “Papa, ke kgopela tshwarelo ka seo. Ke ya go nyalana le monna wa go swana le wena, yo a ratago go tsoma, ka gona ke ya go tsoma le yena.” O rile, “Ke tla ya ntle le yena.”

⁸¹ Ke rile, “Gabotse, seo se lokile, le sona. Ke duma o ka bolela le mmago gannyane nthathana, ka yona.”

⁸² Eupša ke se sengwe ka dithokgweng. Ge la mathomo ke ithuta ka Modimo, ke nyakile go sokologa. Ke be ke sa tsebe mokgwa wa go sokologa. Ke be ke sa tsebe mokgwa wa go bolela le Yena. Kafao, ka dula fase, gomme ka Mo ngwalela lengwalo, le go Mo kgopela go ntshwarela. Gomme ke be ke sa tsebe mokgwa wa go e dira. Ka fao ke be ke tseba gore ke be ke ikwetše selo se sengwe, ntle ka dithokgweng, gomme ke le kgorameditše godimo ga mohlare, gore ge A etla tlase go kgabola dithokgwa, ka lefelong ke Mmonego, gore O be a tla kgona go bala le, gomme o be a tla kwešiša se ke bego ke se ra, gore ke be ke le maswabi ga se ke Mo hlankele, gomme ke nyaka A ntshwarele sebe sa ka.

⁸³ Ka gona ke ile ka lewa ke dihlong ka nnamong, le go le tšeа. Ke rile, “Ge A le Motho, O tla kwešiša bjalo ka motho. Yena ke Mohlodi wa ka.” Gomme ke ile fase ka mokutwaneng le go thoma go bolela le Yena boka motho, gomme O nkarabile morago boka motho. Ka gona e be e le godimo . . .

⁸⁴ Ke na le matsatsikgwedi a mangwe a beilwe fase mo. Ka Oktobere la 12 . . . Ka la 15, sehla sa tshepe se be se bulwa, godimo ka Wyoming. Ka la 12 e bile letšatši la mafelelo ke kgonnego go tsoma, gomme re be re eya go tloga ka la 12. Ke ra gore, ka la 10 re be re le ka sethokgweng, e bego e le Mokibelo. Lamorena, ke rerile, e bego e le la 11. Ka Mošupologo, Ngwanešu Sothmann le Ngwanešu Roberson morago kua, le rena bohle, re tlogile bakeng sa—bakeng sa kopano, goba bakeng sa go tsoma tshepe godimo ka Wyoming. Mosong woo, wa la 10 e bego e tla ba . . . Ka gona, ka la 18, sehla se be se tla tswalela ka Indiana, re be re ka se sa ba le go tsoma sehlorana gape.

⁸⁵ Kafao ke rile, “Ye e tla ba nako ya mafelelo nka yago ntle.” Gomme re kgobokeditše sehlopha mmogo, gomme ke ba timeditše go dikologa dithokgwa. Ke ile moragorago, godimo ka lefelong moo ke ratago go ya, kua Salema. Sehla se be se le thari. Dihlorana di be di se nene. Ke bile ntle makga a mmalwa, go no hwetša sehlorana se tee ka nako.

⁸⁶ Kafao, mosong wo, ke dirile tsela ya ka go ya dikgweng tša go swana, gomme phefo e tsogile le go thoma go foka. Gomme yo mongwe le yo mongwe yo a tsomago, o a tseba ke moso wo mobe. Ke tsomile dithokgwa tšohle go kgabola, ntle le go bona sehlorana se tee, goba go kwa se tee. Ke ile tlase ka go bofase bja nokana, gomme ka thoma go hlatloga go hwetša sekoupo se sengwe se sennyane sa dithokgwa. Gomme ge ke batametše kgauswi le sethokgwa se sennyane se, go be go le mehlare ye mentši ya ko—ko koko, le mehlare ya ditšie, matlakala ohle go tloga go ona, e no ba sekgwa sa go hlohlorega. Go bapa hleng le tšona, mehlare ye mebedi ya mosikamoro. Bjale, dihlorana ga di hlehlele go dikologa mesikamoro. Eupša thwi godimo go tloga go

wona, ke bone, go bonagetše eke, ke bile le go getsola . . . Ke ile ka getsola sehlorana se eya godimo go kgabola sethokgwa, eupša o be a kitima ka lebelo.

⁸⁷ “Oo,” ke rile, “ga go bohlokwa go tsoma. Fa go batho ntle fa, balemi ba topa mahea a bona, thwi go dikologa sethokgwa se sennyane se. Dihlorana di ka se be fa.” Kafao ke dula fase gare ga mehlare ye mebedi, gomme ka fega maoto a ka godimo ga o motee le go ithekga morago kgahlanong le wo mongwe, ka go borutho bja phadimo ya letšatši. Ka gopola, “Ke tla no tsea kgoswane ye nnyane, morago ke tla hwetša Ngwanešu Banks, le Ngwanešu Sothmann, le bašemane, ge ke eya morago, le go theoga tsela.

⁸⁸ Gomme ge ke dutše fale . . . [Ngwanešu Branham o a kgohlola—Mor.] (Ntshwareleng.) Ge ke dutše fale, ka tlase ga mohlare, ke nno ikala fase, gomme letšatši le borutho le phadima godimo ga ka. Se sengwe se rile, “Ge o ka re go thaba ye, ‘Tmolwa godimo gomme o lahlelwe ka lewatleng,’ gomme wa se belaele ka pelong ya gago, eupša wa dumela gore dilo tšela tseo o di boletšego di tla direga, o ka kgona go ba le se o se boletšego.”

⁸⁹ Ke rile, “Gabotse, bjale, Lengwalo lela šelele ka monaganong wa ka gape.” Ke rile, “Ke na le lebakana mo, e ka ba iri pele ke swanetše go ya go tsea bašemane ka moka, kafao ke tla no ithuta Lengwalo leo.” Gomme ke rile, “Bjale, leo le ka kgona go šoma bjang?” O rile, “Tsela e nnoši še le ka bego le ka kgona go ba, gore, barutiwa bale ba phetše lehlakore le lengwe la Poelano. Poelano e be e bile moragwana, e ka ba, oo, dibeke tše mmalwa moragwana, pele Poelano e dirwa. Jesu o ba file Maatla, lehlakore le lengwe la Poelano, go swana le ge A dirile baprofeta.”

⁹⁰ Gomme ge ke rile, “baprofeta,” Sengwe se nteile gape. “Baprofeta e be e le eng?” Ka gona ka thoma go nagana ka yona, ka se A se dirilego ka baprofeta.

⁹¹ Gomme go bile, ka morago ga ge ke be ke bolela fale nakwana, ka gare ga nnamong, ke no nagana, go fihla ke lemoga Sengwe kgauswi kudu, go fihla ke be ke bolela le Yo mongwe. Gomme Sengwe se rile go nna, “Seo se ka go Poelano. Ka gore ge monna goba mosadi a gafetšwe kudu gomme a neetšwe go Modimo, gore Modimo o no tsena ka gare le go šomiša segalontšu sa bona, gomme ga se monna a bolelagoo. Ke Modimo yoo a lego ka go yena a bolelagoo.”

Ke naganne, “Yeo ke nnene.”

⁹² Sengwe se rile go nna, “O nagana ke mang . . . O bona bjang dipono tšela mo sefaleng? O bona bjang dipono tšela ntle fa? Ke eng? A o nagana ke bohlale bja gago mong gore o ka akanyetšapele se sengwe seo se tla diregago nako le nako go fihla tlhakeng? A o nagana ke wena o bolelagoo? A o ka nagana nako ye nngwe . . . Ge Moya wo Mokgethwa o tsena ka go Molaetša, gomme ga o tsebe o bolele eng, ke Eng e bolelagoo nako yeo? Ke

eng ge motho a tla bolela ka leleme leo a sa tsebego selo ka lona? Ke eng seo se ka hlathollago leleme la go swana, ga go le o tee wa bona a tsebago e ka ba eng ka lona? A ke motho ka motho, goba a ke Moya wa Modimo yo a phelago?”

⁹³ Ke rile, “Yeo ke therešo. Ke a e bona. Ke Modimo yo a bolelago. Gomme sohle Kereke e se hlokago ke kgato kgauswana go Yena, bontši bja bophelo bjo bo gafetšwego, go phela le Yena.”

⁹⁴ Gomme ge ke be ke sa dutše fale, feela nakwana goba tše pedi, ke nagana ka se, ke ikhweditše nnamong ke bolela le Yo mongwe. Gomme ke kwele Sengwe se re, “Kgopela. Bolela se o se ratago, gomme se tla direga.”

⁹⁵ Ke rile, “O Eng?” Ke rile, “Ke bolela le Mang? O Mang? Ke Mang a emego fa ka dithokgweng tše, yoo ke kgonago go kwa Segalontšu sela se bolela le nna? Wena o Mang? Bolela le nna.” Ke ile ka thantshelwa gohle le go tabogela godimo go tšwa magareng ga mehlare yela. Ke rile, “Bolela le nna. Wena o Mang? Ga ke kgone go Go bona.” Ke lebeletše Seetša sela fale. Ga se ke kgone go bona selo. Ke goeleditše, “O Mang? O kae? O nyaka eng le nna? Morena, O kae?”

⁹⁶ Sengwe se sepeletše morago, gomme sa re, “Bolela se o se ratago gomme o tla se fiwa.”

⁹⁷ Ke rile, “Morena, a O fetola bodiredi bja ka? A ye ke phetogo ye O bego o bolela ka yona? A se ke se se tlago go bjona? A se ke se bo tla bago? Sengwe ka ntlong ye nnyane yela ke se bonego ka ponong, a ke sona?”

⁹⁸ Feel a nako yeo ya go teba ka kgonthe, tlotšo ye bose ya Moya wo Mokgethwa e mphagamišitše, boka, go tloga maotong a ka, gomme o rile, “Bolela se o se ratago, gomme o tla se fiwa.”

⁹⁹ Ke eme fale, ke maketsé. E ntlogetše. Ga se ke be le selo. Ke naganne, “Gabotse, nka kgonago reng? Ga go batho ba go babja mo. Ga go selo mo. Ke ka dithokgweng. Nka kgonago go bolela eng? Ke eng—ke eng—ke eng nka kgonago go e dira?” Gomme ke naganne, “A ke lahlegelwa ke monagano wa ka? A ke ithutile thatha kudu go fihla maatla a ka a monagano a phatloga?”

¹⁰⁰ Gomme feela nako yeo ke Se kwele, feela go swana le ge le nkwa, se rile, “A ga o tsome, gomme ga o ne diphoofolo?” O rile, “Bolela e ka ba eng o e ratago.”

¹⁰¹ Gabotse, ke naganne se, “Modimo o rile, ‘Netefatšang dilo tšohle.’” Ke rile, “Morena Modimo, ge yoo e le Wena, gomme le ke leswao gore O lokišetša go fetola bodiredi bja ka go tšwa go dipono tšela, go ya go se sengwe se segolwane, seo ke se lebeletšego botelele kudu,” ke rile, “a go direge gore O tla arabia thapelo ya ka.” Gomme ke eme fale gannyane nthathana. Gomme ke naganne, “O boletše eng? Ga se A re, ‘Rapela.’ O rile, ‘Bolela se o se ratago. E no se bolela, gomme mantšu a gago a tla diragala. E re go thaba ye, gomme e tla dira feela bjalo ka ge o bolela.’”

¹⁰² Kafao ke beile legetla la ka kgahlanong le mohlare. Gomme ke tlwaetše... Ke bile le raborolo ya ka e beilwe dijarata tše masometlhano, go kokotela ditheke. Kafao ke—ke lebeletše tikologong, go bona mohlare go dijarata tše masometlhano. Gomme o tee o be a le dijarata tše masometlhano kgole, ntle—ntle ga matlakala. Ke rile, “Go nyakile go se kgonagale ka botlalo go sehlorana go tla go mohlare wola, thwi fa, le balemi fale ba topa mahea a bona.” Ke rile, “Eupša go tla ba le sehlorana se sehubedu se etla ntle bofelong bja lekala lela le go dula fase fale, gomme ke tla mo thunya go tloga fa.”

¹⁰³ Gomme go se fete ge ke e boletše, go be go le sehlorana. Ke rorometše gannyane, le go lekanyetše fase, le go thunya sehlorana. Ke sepeletše godimo gomme ka se topa. Ke be ke thothomela, gohlegohle.

¹⁰⁴ Ke rile, “Mohlomongwe seo se nno direga ka tsela yeo.” Le tseba ka fao batho ba ka belaelago. Eupša o nyaka go ba le kgonthe. O se ke wa dira selo ntle le ge o le phosithifi, gomme ka gona o tseba se o se dirago. Ke pikitile sefahlego sa ka gannyane, gomme ke lebeletše, ka phethagalo go nepo ya leihlo. Kafao ke ile godimo le go dula fase ka thoko ga thaba, gomme ke rile, “Morena, go ngwadilwe ka Lentšung la Gago, gore, ‘Molomo wa dihlatse tše pedi goba tše tharo, a lentšu le lengwe le le lengwe le eme.’” Ke rile, “Ge yoo e be e le Wena, ntshwarele botlaela bja ka. Eupša ke rapela Wena go mpha sehlorana se sengwe boka sela, gomme,” ke rile, “gona ke tla Go dumela, gore Ke Wena, gomme diabolo a ka se be le sekgoba e ka ba sefe go bolela gore go nno direga ka tsela yeo.” Kafao ke dutše fase.

¹⁰⁵ Feela mo nakwaneng, fa go tla Yela, ke E bitša, “Tlotšo ya godimodimo,” ya swiela godimo gape. Gomme ke nyakile ke tlogile maotong a ka. “Gomme a re, bolela se o se ratago, gomme o tla se fiwa.”

¹⁰⁶ Ke lebeletše go kgabola dithokgwa go fihla ke hwetsa mohlare wo mongwe dijarata tše masometlhano bokgole bjo bongwe, o be o na le matlakala a mantši ka go wona, gomme merara ya terebe le dilo di tateditše go dikologa, moo ga se gantsi dihlorana di tsea mohlare wa go swana le woo. Ke rile, “Gomme go tla ba le sehloranaphukubje se sengwe se sennyane se dutše thwi fale.” Gomme ke tseetše monwana wa ka fase, le go lebelela go dikologa go kgabola dithokgwa.

¹⁰⁷ Gomme ka lebelela morago, gomme fao go be go dutše sehloraphukubje se lebeletše thwi go nna, gape. Ke thuntše sela. Ke mo kukile. Gomme ke naganne... Oo, ke be ke thothomela.

¹⁰⁸ Ke naganne, “Nagana! Modimo yo mogolo yo maatla wa Legodimo o fa ka dithokgweng, gomme O a tiišetše go nna, ka tsela ya ka mong, go tsoma mo, gore O ya go dira feela tlwa se A mpoditšeego mengwaga ye lesometlhano ya go feta.” Ke e bogetše gannyane nthathana. Ke rile, “Morena, e tla direga gape.”

O rile, “Bolela lefelo moo se tla bago.”

¹⁰⁹ Ke rile, “Ke tla dira se bogwaragwara.” Ke rile, “Lekabe lela la kgale le tšweletšego ntle fale, ka thoko ga tšhemo, la go hlohlorega, la go thelela le lešweu.” Ke rile, “Go tla tla sehlorana se sengwe se sehubedu, gomme o tla ya ntle mafelelong a lekabe lela, le go lebelela ntle godimo ga tšhemo, go balemi. Yeo e tla ba ka tsela yeo.”

¹¹⁰ Ke lebeletše morago gomme go be go se sehlorana fale. Ke lebeletše lebaka la e ka ba metsotso ye mehlano. Go be go sa ntše go se sehlorana. Ke—ke rile, “Gabotse,” ke rile, “tše pedi, dihlorana tše pedi di lokile.” Ke rile, “Pedi ke hlatse. Ke tla e dumela ka mokgwa woo.”

¹¹¹ Gomme Sengwe se rile, “Eupša o rile go tla ba se setee.” Ke letile metsotso ye mengwe ye mehlano. Ga go selo. Gomme E tšwetšepele e tsopola ka pelong ya ka, “O rile go tla ba se setee.” Ke letile le go leta. Sengwe se rile, “A o a belaela?”

Ke rile, “Ga go nthathana e tee.”

¹¹² Gomme ga se ka feta go bolela seo, go fihla ntle ga lekala lela go tšwile sehlorana se sehubedu, se eme le go lebelela balemi. Modimo ke moahlodi wa ka, o eme fa. Ke thuntše sehlorana, ke ile godimo le go mo topa. Gomme ke sepetsé go kgabola dithokgwaa go fihla ke le diiri tše kgole ke fetile go tšea bašemane, go bona ge eba ebile go tla ba se sengwe gape, e ka ba kae. Gomme go be go se.

Morago ke tla gae, ke le boditše ka yona.

¹¹³ Gomme ka gona ka Nofemere la 7, ke be ke le tlase ka Kentucky. Ke be ke na le molamo wa Ngwanešu Wood, a eme fale, Charlie Cox, a eme fale mo pilareng. Gomme le Ngwanešu Tony Zabel, yo mongwe wa matikone fa ka kerekeng. A o mo, Tony? O mo felotsoko, Ngwanešu Tony Zabel, gape le Ngwanešu Banks Wood. Gomme re be re le godimo ka dithabeng, re tsoma. Gomme ke thomile ka dithokgweng, gomme dihlorana di be di hlokega kudu. Aowa... Matlakala a go sobeletša, mobung. Gomme ka thoma go ya godimo ka dithokgweng.

¹¹⁴ Gomme Sengwe se rile go nna, “O nyaka dihlorana tše kae mosong wo?”

¹¹⁵ Ke rile, “Gabotse, ke na le lekgolo le lesomenne ngwaga wo, goba lekgolo le lesomešupa.” Ke rile, “Ge nkabe ke na le tharo gape, e be e tla dira lekgolo le masomepedi. Seo se be se tla dira feela nomoro ya go lekanelo go ema go yona.” Ke rile, “Selo se sengwe e tla bago, mphe tshela go tseela gae.” Tše, ke di rata bokaonana go phala nama e ka ba efe e lego gona go ja. Gomme ke rile, “Ge ke be nka no hwetša tše tharo gape.” Ke sepeletše pele godimo go kgabola dithokgwaa kgojana gannyane. Gomme, oo, go be go se selo. Batsomi ba bakaone, boka Charlie le bona, ba bile le setee. Gomme ke rile, “Gabotse, ke...”

¹¹⁶ Sengwe se rile, “E re go yona. Bolela dihlorana tše tharo gomme o tla ba le yona.”

¹¹⁷ Ke rile, “Seo se kile sa diragala.” Kafao ke eme hleng le mohlare wo monnyane, thari ka morago ga sekgalela, ka lehlakoreng la legaga.

¹¹⁸ Gomme Tlotšo yela e tla e le ye kgolo kudu go fihla ke sa kgone le go ema mobung, gomme o rile, “Bolela! Se o se boletago, se belaele, gomme o ka ba le se o se boletšego.”

Ke rile, “Ke tla hwetša dihlorana tše tharo.”

O rile, “Di tla tšwa kae?”

¹¹⁹ Ke rile, “Se tee se tla tla go tšwa ka tsela *yela*, gomme se setee go tšwa ka tsela *yela*, gomme se setee morago ka tsela *ye*.” Go e dira ya bogwaragwara. Modimo ga a kgathale e bonala e le ya bogwaragwara bjang. Ke Modimo wa maemo.

¹²⁰ Gomme ge ke sa eme fale lebaka la e ka ba metsotso e se mekae. Ga se ke kgone go kwa go thunya tikologong, bašemane ka moka, go dikologa kae kapa kae. Ke diregile go lebelela morago ga ka, godimodimo ka dithokgweng, e ka ba dijarata tše masomesenyane, ke naganne se sengwe se be se le godimo ga kutu. Ke se šeditše. Morago ga nakwana se tabogile, gomme e be e le sehlorana se sehla. Bokgole bjo, tsela yohle go putla moetšana, gomme godimo ntlhoreng ya legaga. Ge se tlile go bapa ka thoko ga mohlare, ke se thuntše. Gomme se be se le e ka ba dijarata tše masomesenyane, gomme e se bolaile. Ke rile, “Go ne se tee. Le nna nka no retologa le go lebelela ka tsela ye nngwe ye, bakeng sa tše dingwe, gobane di a tla.” Le a bona? Modimo o na le tsela ya go tliša dilo go wena, go go dira nnete se o boletago ka sona.

¹²¹ Tlotšo yela e be e tlogile go nna nako yeo. Gabotse, ke letile le go šetša ka tsela *ye* lebaka la e ka ba iri. Ga go selo se diregilego. Ke be ke tonyetšwa. Ke naganne, “Ka kgonthé, ge woo e le Moya wo Mokgethwa woo o mpotšago dilo tšela, e tla no ba tlwa. Gobane, ge Tlotšo e be e le godimo ga ka, ke boletše lentšu lela, gomme go tla swanelo go ba ka tsela yeo.”

¹²² Bjale theetšang sekgauswi ka kgonthé go se. Gomme se se ya go ba kgatišo ya theipi. Se tla ya gohlegohle lefaseng.

¹²³ Bjale gomme ka gona, go la nngele la ka, ke tšwetšepele ke šeditše. Morago ga lebakana, ke lebeletše godimo. Godimo ga mohlare, go tla go dikologa mohlare wa mopitšhi, fao go tlile sehlorana se se sehla. Ke rile, “Feela tlwa ka tsela yeo. Yeo ke nnete, Morena.” Ke ile ka retologa, ka phagamela godimo go mo thunya, gomme fao gwa tla sehlorana se sengwe. Ke rile, “Go na le tše pedi, feela tlwa. Di dira tše tharo tša ka.” Gomme ka phagamela fase, ka thunya sehlorana sa mathomo. Se sengwe se kitimela ka tlase ga kota. Ke kgona go mmona a ripa godimo ga—ga koko ya hikori, goba se sengwe, ka tlase ga kota. Kota e be e ka ba bogodimo *bjola*, mafelelong, e phagametše godimo e

ba ka kgato. Ke be ke kgona go bona sehlorana. Ke bolaile sa mathomo.

¹²⁴ Ke rile, “Bjale ke tla hwetša se sengwe.” Ke lekanyeditše fase, ka bea meriri yela ya go putlaganya thwi bokagodimo ga tsebe ya gagwe, e sego bokagodimo ga masomenne, masometlhano a dijarata bokgole, gomme ka thunya le go itia kota. Gomme sehlorana ebole ga se sa tsoge sa thanthelwa. Ke beile kolo ye nngwe ka go yona. Gomme o retologile go dikologa, a ya go theoga kota, a ya mafelelong a mangwe. Gabotse, ke lekanyeditše fase gomme ka tsea nepo ye kaonekaone nka kgonago. Gomme ke be ke fošitše feela methunyo ye mehlano ngwaga wohle. Kafao gona ke lekanyeditše fase, thwi go thunya ka phethagalo, gomme ka kgwatha seragi gape, gomme ke bethile e ka ba diintshi tše nne ka godimo ga gagwe.

¹²⁵ Ke rile, “Ke swanetše go be ke thutše sekoupo sa ka.” Gomme ka gona ke šeditše gape. Sehlorana se kitimetše godimo le go ya thwi ntle ka lehlakoreng la dithokgwa, lehlakori la bophara go tloga go nna. “Gabotse,” ke rile, “ke thutše sekoupo sa ka ntle. Ke tla no mo thunya lehlakore bophara nako yeo, ka lešobeng la sefega.” Gomme ke phagametše godimo le go bea moriri wa go fapanya. Ke naganne, “Mohlomongwe ke bile go tonya, le go šikinya.” Ke naganne, “Ke be ke sa tonye le go roromela ge ke thuntše se sengwe.”

¹²⁶ Kafao gona, feela go swana, e ka ba motsotso goba ye mebedi go arogana. Gomme ke ile ka swara sethokgwa, gomme ka se bea ka seatleng sa ka, gomme ka swara sethunya go swinelela ka kgontha, le go e bea godimo ga lešoba, lešoba la sefega la sehlorana, le go gogela sethunya kgole. Gomme ke thuntše kgato ka tlase ga gagwe. Gomme ka goga go hwetša legapi le lengwe, gomme sethunya se be se se na le selo. Ge ke be ke sa hlahlela, ke rile, “Ke tla mo hwetša ge a ka ema fale.” Gomme ge ke hweditše . . .

¹²⁷ Sehlorana se ile godimo go kgabola dithokgwa. Ke eme fale. Ke naganne, “Eng? Go ne methunyo ye meraro, go otologa, e fošitše. Gomme ke nno foša tše tlano go tšwa go lekgolo le lesomenne.” Ke rile, “E ka ba bjang, gore sethunya sa ka se tla ba ntle?”

¹²⁸ Gomme feela nako yeo gwa tla go nna. “O ka se thunye sehlorana sela ka tsela yela. O be a swanetše go tšwa ka tsela yela.” Lentšu la Modimo le phethagetše. Ke be nka se kgone go mo thunya go tšwa borwa. O be a etšwa leboa.

¹²⁹ “Oo,” ke rile, “ke tla no retologa go dikologa ka tsela *ye*, gona, le go šetša leboa go fihla a etla.” Ke beile dikolo tše ntši ka sethunyeng, gomme ka šetša. Ye nnyane . . . Ke rile, “Ge a etla, o tla swanela go ba kgauswi gampe.” Ga ke rate go thunya se tee kgauswi. Ga se papadi. Ga se mo go botse go e dira. Kafao se tee se be se le . . . sekewa se be se le fale, ke rile, “Gabotse, ke tla

swanelo go hwetša se go tšwa leboa, gobane ke boletše ka tsela yeo.” Kafao ke eme ka tsela *ye*, ke šeditše.

¹³⁰ Gomme ke—ke rile, “Ke a thanka . . . go ba thari.” Ke rile, “Kotara go fihla ya bone, bjale iri ya bone. Ke tla swanelo go tloga, gobane, le tšona tše pedi, gobane bašemane ba ntetetše.” Gomme kafao ke letile nakwana ye nnyane. Iri ya bone e tlide, metsotsø ye meraro ka morago ga ya bone.

¹³¹ Ke rile, “Gabotse, ke tla ya go tšea dihlorana tša ka.” Ke ile godimo le go tšea dihlorana, ka bowa morago, leswiswi kudu ke be ke sa kgone go bona ka molapong. Ke thomile go theoga molapo. Gomme ge ke be ke eya go theoga molapo, e be e le leswiswi, gomme ke be ke fetile lefelo moo ke bego ke eme.

¹³² Sengwe se rile go nna, “A ga o ye go ya godimo kua le go tšea sehlorana sela?”

¹³³ Ke rile, “Nka kgona bjang go mmona bjale?” Ka pono ye nnyane ya thelesekoupo, ye nnyane nthathana, se sekaone, sekoupo sa go nepa; go se seetša go lekanelo go bona, maoto a se makae pele ga ka. Ke rile, “Nka kgona bjang go se bona?”

¹³⁴ O rile, “Eupša o boletše gore go tla ba se sengwe.” Oo, ke duma ge nka no kgona go dira seo, ka mokgwa wo mongwe nka kgona go hwetša, go bona se seo, ya, seo, seo ka kgonthe se se rago, mogwera. Le a bona? Ka tlase ga Tlotšo yela, e be e se nna yo a e boletšego. E be e le Modimo yo a e boletšego. Gomme ke sepetsé dikgato tše mmalwa. O rile, “Retologa gomme o ye morago go leba leboa. Sehlorana sa gago se fao.”

Ke ile, ka retologa. Ke rile, “Morena Modimo, nka se belaele, nthathana.”

¹³⁵ Ke thomile go sepelela morago go leba leboa. Go na le bao ba dutšego fa bao ba tsebago se. Ka thoma go sepelela morago go leba leboa. Gomme godimodimo ka ntłhoraneng, masometlano goba dijarata tše masometshela bokgole, sehlorana se kitimela godimo ga mohlare, feela seetša sa go lekanelo seo ke kgonnego go mmona. Ke purupuditše ka sekoupo sa ka, gohle godimo le tlase ga mohlare. Ga go sehlorana, nka kgonago go se hwetša. Morago ga lebakana ke naganne ke bone lehuto godimo ga mohlare, godimodimo kua, leswiswi kudu. Ke rile, “Gabotse, ke tla leka seo, go le bjalo.” Gomme ke thuntše. Gomme ge ke dirile, sehlorana se kitimile go dikologa mohlare le go kitimela fase. Ke se kwele se betha mobu. Ke naganne se tabogile go tloga.

¹³⁶ Nako ya go swana seo se diregilego, e ka ba dikgato tše masomepedi go tloga go sona, se tee se kitimetše godimo ga moouko wo mošweu. Ke rile o kitimetše go theoga o motee gomme a kitima go rotoga wo mongwe. “Bjale, ka kgonthe, Morena, O ka se ntumelele go mo foša, ka morago ga ge ke šetše ke boletše ka tlase ga Tlotšo yela gore se se tla ba. Gomme O tiišetše bodiredi bja ka. Ye e tla ba makga a tshela gore O bo tiišeditše go nna.” Nomoro ya motho, makga a tshela. Ke rile, “O

ka se ntumelele go mo foša.” Ke lebeletše, gohle godimo le fase ga mohlare. Gomme godimodimo ka kua, ke naganne ke bone matlakala a mangwe. Ke bone se sengwe se sepelela ka go wona. Ke tsogile le go thunya. Gomme sehlorana se wetše fase, se hwile wa letlapa. Ke ile godimo ga thaba, ke thakgetše le go thaba.

¹³⁷ Ke ile go mohlare wa mathomo, godimo go la nngele la ka, gomme *fale* go robetše sehlorana. “Gabotse,” ke rile, “ke a tseba ke ne sela, eupša ke be ke se ne kgontha ka se.” Ke rile, “Gona, Morena, O mpha se tee bakeng sa kelo ye botse.”

¹³⁸ Ke ya godimo go hwetše sehlorana se sengwe, o be a se gona. Gomme ke lebeletše, gomme ke lebeletše, gomme ke purupuditše ka tlase ga matlakala le go phagamiša diripa tše nnyane tša phatša, le go phatlola go bula kota ya kgale. Gomme go be go se eupša kota e tee e robetše ka gare ga dijarata tše masometharo, gomme ke e phatlotše yohle diripana. Ke lebeletše ka tlase ga lehlakore, gomme ka swara diatla tša ka ka go matlakala, le go phopholetše. Go be go se sehlorana fale, se se felo.

¹³⁹ Godimo, go be go le lekabe le legolo la kgale godimo ga thaba. Ke ile godimo, lekabe le lennyane lela. Go be go ne molete wo monnyane nthathana. Ke phophoeditše ka fale, gomme ke naganne ke kgwathile sehlorana sa ka, se phagamela godimo le fase. Ge ke be ke . . . ke rile, “Gabotse, ga ke kgone go fihla go yena. Kafao, mo mosong, ke tla tlisa bašemane morago le go se hwetše. Ke swanetše go ya go ba botša.” Gomme ke ile tlase go Ngwanešu Charlie. Ke tswaletše molete, ka ya tlase go Ngwanešu Charlie le bona, le go ba botša.

¹⁴⁰ Re ile godimo ntlong ya bona bošegong bjoo, bakeng sa selalelo. Re be re hlalala ka Bogoneng bja Morena. Gomme ge, pele ke eya malaong, Ngwanešu Charlie kua o kgopetše Ngwanešu Tony Zabel, morago kua, go etapele ka thapelo.

¹⁴¹ Bjale, ga ke bolele se go thulana goba go gobatša Ngwanešu Tony. Ke yo mongwe wa mokgomana yo mokaonekaone wa Mokriste yoo ke mo tsebago. Eupša, go no le bontšha ka fao Morena a šomago. Tony, ka thapelang ya gagwe bošegong bjoo, o rile, “Morena Modimo, a nke go tsebje go rena gore ngwanešu wa rena o re botša therešo, gore gosasa o tla hwetše sehlorana sela ka kutung.” Seo e bile . . .

¹⁴² Ga se nke ka re ke tla hwetše sehlorana ka kutung, ka tlase ga Tlotšo. Ke rile, “Ke thuntše sehlorana.” Nnete, ga se ke kgone go hwetše sehlorana, gobane, ge nkabe ke dirile, seo se ka be se dirile go feta se ke se boletše. Feela tlwa se ke se boletše, ka tlase ga Tlotšo yela, seo ke se Modimo a se tšweleditše. Kafao, ga se ke bolele selo ka seo.

¹⁴³ Le a bona, ke ka mokgwa woo, dinako tše ntši, batho ba re, “Ngwanešu Branham o boletše *bjalo-le-bjalo*.” Ge Ngwanešu Branham a bolela e ka ba eng, seo ga se ne selo go dira le sona. Eupša ge Modimo a se bolela, seo ke therešo ka Gosafelego.

¹⁴⁴ Eupša Ngwanešu Tony ga se a e hwetša. O rile, “Ge sehlorana sela se le fale, gona re tla tseba ngwanešu wa rena o re boditše therešo.” Ngwanešu Wood, Ngwanešu Charlie, bohle ba bona, ba e topile. Ga se re bolele selo. Ke robetše le Ngwanešu Tony bošegong bjoo.

¹⁴⁵ Mosong wo o latelago, tafoleng, re be re bolela, ka, “Oo, e be e le letšatši la go šiša.”

¹⁴⁶ Gomme Ngwanešu Tony o rile, “Gabotse, go ne selo se tee, Ngwanešu Branham ka kgonagalo o tla ntšhetša sa gagwe ka ntle ga kutu, mosong wo, ka ntle ga mohlare.”

¹⁴⁷ Ke rile, “Ngwanešu Tony, ga se nke ka re sehlorana se be se le ka fale. Ke rile ke kgonne go se kwa, ge se phagamela godimo, se tla wa.”

¹⁴⁸ O rile, “Se tla ba gona. Se tla ba thwi ka kutung.” Re ile pele godimo. Gomme ge ke tlogela koloi, ke thomile go boela morago gape le go re, “Go ne se sengwe sa phošo. Bokaone ke botše Tony bjale. Gobane, ge sehlorana sela se se ka mole teng wola, ka go kutu yela, ke tla morago ntle le sehlorana le gatee, ka gona go ya ka tsela ye a rapetšego bošegong bja go feta, o tla no fela a dumela ke boletše maaka.” Ke rile, “Modimo, O a tseba, ka Beibele ya ka, gore ke boletše therešo ya go botega.” Gomme Modimo o a tseba yeo ke therešo, o boletše feela therešo.

¹⁴⁹ Gomme ke ile pele. Sengwe se nno nkgapela pele. Gomme ke ile go sepela godimo go kgabola dithokgwa, ke tsoma. Ke tšwetšepele ke nagana, “Go ka reng ge sehlorana sela se se ka fale?” O mphile thipa ya gagwe ya go tsoma, gore ke kgone go sega molete wo mogolwane, go obeletša ka gare le go se hwetša.

¹⁵⁰ Gomme Sengwe se rile go nna, “Ge se se gona, goba ge se le ka fale, ke eng e dirago phapano?”

¹⁵¹ Ke rile, “O tla . . . A ka se ntumele. O rapetše gomme o boletše, gore, ‘Ge re ka hwetša sehlorana, o tla tseba gore ngwanešu wa rena o re boditše therešo.’”

¹⁵² Gomme Tlotšo ye kgolo yela ya tla, ya re, “E no re sehlorana se tla ba godimo kua, gomme o tla mo hwetša.”

¹⁵³ Ke naganne, “Ka kgonthé, Morena, ka kgonthé ye e tla ba makga a šupago, go otlologa, ge Tlotšo ye e le godimo ga ka.” Ke rile, “A ke Wena?”

O rile, “Bolela se o se ratago.”

Ke rile, “Ke tla hwetša sehlorana sela.” Tlotšo e ntlogetše.

¹⁵⁴ Ke tsomile go fihla ka masometharo a senyane, se re bego re swanetše go se dira. Go tleng tlase, le go ya go tšea dimpša nako yeo, ba naganne di be di le. Gomme ke ile godimo ga thaba ka masometharo a senyane, ka lebelela ka mole teng, ka phopholetša go dikologa, ka sega. Go be go se sehlorana fale, le gannyane, ka mole teng. Ke phopholeditše gohlegohle. Bjale, se ke bego ke

se topa e be e le medu ye mennyaney mekaone ya bjang, goba medu ya mehlare ke bego ke e topa, le go e kwa e ewa go tšwa go phata, ge ke hlwaiša ka phata, gomme ke e gogela godimo ka mokgwa *wola*. Ke naganne ke be ke topa sehlorana. Gomme se be se thelela go tloga koteng, eupša ke medu ye mennyaney le dilo. Ga go sehlorana ka fale. Ke naganne, “Bjale ke tla dira eng?”

¹⁵⁵ Ke re, “Še yona, masometharo a senyane. Ke swanetše go ya morago.” Ke topile raborolo ya ka le go thoma go theoga thaba.

¹⁵⁶ Gomme Sengwe se rile, “A ga se wa re o tla hwetša sehlorana?”

Ke rile, “Ke tla mo hwetša kae?”

¹⁵⁷ Modimo ka go ba moahlodi wa potego wa ka, le Lentšu la Gagwe mo. Gomme ke nna monna wa mengwaga ye masomethano bogolo, moreri wa Ebangedi, ke eme ka phuluphitthing ye. Se sengwe se rile, “Lebelela ka tlase ga seripa se sennyane sela sa sekgamathi.”

¹⁵⁸ Ke rile, “Morena, nka se Go belaele ka selo.” Ke sepeletše godimo gomme ka topa sekgamathi, gomme go be go se sehlorana fale. Ke naganne ke . . .

Feela pele ke e dira, se sengwe se rile, “Go ka reng ge a se gona?”

¹⁵⁹ Ke rile, “Oo, o tla ba fale.” Ke se topile gomme go be go se sehlorana fale. Ke lebeletše fase, ka makalo. Ke bone seripana se sennyane sa nthathana sa bosehla se tsupologile go tšwa ka tlase ga lehlare. Ke se gogetše godimo, gomme fale go robetše sehlorana. Go e dira feela gabotse tlwa, se A rilego go se dira.

¹⁶⁰ Ke ile ka ya go theoga thaba gomme ka ba botša ka yona, gomme ra thaba. Gomme ge ke etla koloing, Charlie, ba eme thwi fao, Banks. Ba be ba bolela. “A seo se be se sa tlabe gore Tony o boletše selo boka seo ka thapelang ya gagwe, gammogo le ge a rata Ngwanešu Branham? Gomme gobaneng a ka belaela lentšu la gagwe le go bolela seo?” Le a bona, o ile a no swanelo go e bolela ka tsela yeo, ka gore Modimo o tsebile gore ke tla ema ka phuluphitthing mosong wo le go tleleima selo sa go swana. Le swanetše go šetša se motho a se bolelago, gomme morago se Modimo a se bolelago. Se Modimo a se bolelago ke therešo.

¹⁶¹ Ka gona ke naganne, “Gabotse, tumišo e be go Modimo!” Ke ile tlase. Re bile le nako ye kgolo. Go tla gae.

¹⁶² Ngwanešu George Wright, lebaka la mengwaga, o dirile beine ya selalelo. Gona ke a tswalela. O dirile beine ya selalelo bakeng sa kereke. Ngwanešu Roy Roberson morago kua, o nteeditše gomme o rile, “Ngwanešu Branham, a re ye tlase gomme re hwetše beine ya selalelo go tšwa go Ngwanešu Wright,” yo a dutšego fa, yena le lapa la gagwe.

Bjale theetšang se sekgauswi, ge re tswalela. O Modimo!

¹⁶³ Re fihfile ga Ngwanešu Wright, ka leselaphutiana mosong, gomme, bjalo ka mehleng, kamogelo ye kgolo ntle. Gomme re boletše ka beine. Gomme ka gona Edith yo monnyane, mosetsana yo monnyane wa go golofala a dutše fale, yo ke mo ratago, boka re dira mo tabarenekeleng; e sego feela nna, eupša tabarenekele ye, boka o be a le kgaetšedi wa rena beng. Lapa la Wright e bile lapa la kgalekgale kudu, le lengwe la wona, le ba ga Slaughter mo. Roy Slaughter le bona, le ba ga Wright, goba Mdi. Spencer, bona ba be ba le magareng ga ba kgalekgale ba bego ba le ka tabarenekeleng. Ke a nagana ba ga Wright ba be ba etla mo lebaka la masomepedi tlhano goba masomepedi tshela a mengwaga.

¹⁶⁴ Ke rapetše gomme ke rapetše, bakeng sa mosetsana yola yo monnyane. Ke rapetše, go bona Modimo a mo fodiša. Gomme ke bone ditlaišego, eibile le tše kgolwane go feta tša gagwe, di fodišitšwe. Gomme ke ikonne dijo, gomme ke rapetše, gomme ke hlologetše, gomme ke nyakile Morena, ka megokgo, bakeng sa phodišo ya mosetsana yola yo monnyane. Moisa yo monnyane wa go šokiša o be a tlaišega ge a be a sa no ba segotlane, mohlomongwe bogole bja bosea, bjoo bo gogilego diatla le maoto a gagwe a mannyane. O tlaišegile mengwaga ye mentši. Gomme ge re rapetše lekga la mathomo, bakeng sa gagwe, o emišitše go tlaišega. Woo ke ngwaga . . . mengwaga ye masomepedi tshela ya go feta. Ge a hwetša bohloko bja mogodu, goba bohloko bja leino, feela ka pela ge re eya go mo rapelela, Ke a tseba Morena o ya go e tsea. Eupša tlaišego yela . . .

¹⁶⁵ Gomme ke mmone a dutše fa ka moagong, ge digole tše dingwe di tla tsoga le go sepela, le ditlaišego le go ya pele. Gomme ke a makala, "Gobaneng mosetsana yola yo monnyane a sa sepele? Morena, tšwelela godimo ga gagwe. A nke Morongwa wa Seetša a okamele ngwana, gore ke kgone go bolela, 'O RIALO MORENA.'" Ge e be e le go nna, ke be ke tla e bolela. Eupša ga e godimo ga ka. E godimo ga Gagwe. Gomme ke e bogetše.

¹⁶⁶ Gomme re be re bowa morago, o nyakile mmutla. Ngwanešu Wood le nna re ile ntle gomme re bolaile mebutla ye mebedi, re e tliišitše morago bakeng sa gagwe. O bile le matena a lokišitšwe, Mdi. Wright le bona.

Gomme lebakeng la nako yeo . . .

¹⁶⁷ Kgaetšedi Hattie Mosier, o nno lahlegelwa ke monnamogatša wa gagwe. Ke nyadišitše barataní, mengwaga ye mengwe ya go feta. Ba be ba na le bana ba babedi ba bakaone. Gomme Ngwanešu Watt o bolailwe. Mošemane wa gagwe mong o mo hweditše ka tlase ga trekere ya gagwe, a šilagantšwe go iša lehung. Gomme mošemane yo monnyane o bile le go robega, gomme se sengwe se diregile go yena. Ngwanešu Wood le nna re ile tlase kua bošego bjo bongwe, gomme re dutše bošego, moo mmagwe le malome ba bego ba dula le yena. Gomme Morena

o mo dumelotše go fola, gomme o dutše a le gona mosong wo. Mmagwe o be a na le kgahlego ka go yena. Mengwaga yela ya mahlalagading, o no thoma go tšwela ka ntle le lefase, mengwaga ye lesometlhano ka bokgale, goba selo se sengwe. Ngwanabo yo monnyane a etla ka lesomepedi, mengwaga ye lesometharo bogolo.

¹⁶⁸ Kgaetšedi Hattie Wright, lena bohole le a tseba. Re mmitsa Wright. Leina la gagwe ke Mosier. Eupša o bile motho wa go botega. Yo monnyane, mosadi wa lapa wa kgale, o dula ka dikamoreng tše pedi, moragorago godimo ka dithabeng. Ntle kua ka garafo le mogoma, go leka go hlagola mogomarelakgapana go tšwa go mogola wa lehea, go boloka lapa la gagwe le lennyane mmogo. O šomile ka potego.

¹⁶⁹ Ge ke be ke dutše tafoleng, ke eja matena, ke be ke hlatholla se tumelo e bego e le sona. Ke rile, “Gomme tumelo e ka mokgwa wo. Ge nka bona pono ya Ngwanešu Shelby a dutše *bjalo-lebjalo*, gomme yo mongwe le yo mongwe ka tsela ye ba bilego.” Gomme Kgaetšedi Hattie o be a dutše moragorago ntle, go ya kamoreng ye nngwe. O be a se ne bontši go bolela. Ga a nke a dira.

¹⁷⁰ Gomme ka gona ge re be re sa bolela, ke be ke tla re, “Ge Morena a mpontšitše pono gore se sengwe se be se tla direga, gona ke be ke tla, kgona go e bolela. Seo ke se se phagamišago tumelo ya ka.” Ke rile, “Ge Morena a mpontšha se se tla diregago, gona ke ne boitshepo. Go ya go ba ka tsela yeo.”

¹⁷¹ Ge A mpontšitše, ke rile, “Ke tla tla thwi fa, ge yola yo monnyane, mosetsana wa go tlaišega a dutšego fale, gomme Morena a mpontšitše o be a eya go fola. Ke be ke tla tla thwi fa le go ema mo mohlaleng, go bona ge eba se sengwe le se sengwe se be se no ba tlwa ka tsela ye A boletšego. Gomme ka gona ka re, ‘O RIALO MORENA. Edith, emela gomme o sepele.’” Ke rile, “Le be le tla bona maoto a mannyane ale a tatologa, tšona diatla tše nnyane di tatologa. Gomme o be a tla emeleta go tloga fale gomme a sepela, go letago la Modimo,” ka re, “ge e be e ka tla ka mokgwa woo.” Ke be ke ba botša ka boitemogelo bjo. Gomme ke rile, “A le a tseba... Ke nyaka go le botšiša se sengwe.” Ngwanešu Banks Wood o be a dutše kgauswi le nna, tafoleng. Gomme sa go latela, go dutše, nako yeo, Kgaetšedi Hattie o be a dutše moragorago. Gomme bašemane ba be ba dutše mo, le Mdi. Wright, le Mna. Wright. Gomme Shelby o be a dutše morago go la nngele la ka.

¹⁷² Bjale theetšang. Le se hlaiwe ke se; go le bontšha boikemo bja Modimo.

¹⁷³ Gomme ge re be re sa bolela, ke rile, “Ke nyaka go le botšiša se sengwe. Ke eng e beilego dihlorana tšela fale? Ga go na dihlorana ka dithokgweng. Ke tsomile le go tsoma. Gomme ga—ga ke motsomi yo mokaonekaone, eupša ke tsomile ge e sa le ke le

mošemané yo monnyane. Gomme ke tsomile kgauswi, gomme—gomme di be di le ka go lefelo la go tlwaelege kudu, gomme ka tsela ya go setlwaelege kudukudu nka kgonago go di bitša.” Ke rile, “Ke eng e di beilego fale?”

¹⁷⁴ Ke rile, “Ke a makala ge eba ke, gore bodiredi bja ka bo lokela go tsea phetogo, gore Modimo wa Abraham o tiišetša tshepišo ya Gagwe, bjalo ka ge A dirile go Abraham ge a be a le godimo ntlhoreng ya thaba, gomme o be a hloka sehlabelo, bakeng sa legatong la morwa wa gagwe. Jehofa-jireh o dirile mohlolo, gomme a bea kgapa, dimaele tše lekgolo morago. O be a le leeto la matšatši a mararo. Gomme motho e ka ba mang wa mehleng a ka sepela dimaele tše masomepedi tlhano ka letšatši. Morago o phagamišitše mahlo a gagwe gomme o bone thaba kgole. Gomme morago o ile thabeng, gomme o ile godimo ntlhoreng ya thaba. Ge, kgapa morago ka kua, nku, diphoofolo tša lešoka di ka be di e bolaile. Gomme, ka gona, godimo ntlhoreng ya thaba mo go sego meetse. Kgapa yela e fihlile bjang godimo kua? Go diregile eng? Modimo o be a hloka sehlabelo, go netefatša go Abraham gore O be a le Jehofa-jireh. Yena Modimo wa tlholo o boletše kgapa go ba gona. Bjale, e be e se pono. O bolaile kgapa, gomme madi a tšwa go phoofofolo yela. E be e se pono. E be e le kgapa.”

¹⁷⁵ Ke rile, “Modimo yola wa go swana,” haleluya, “yola Jehofa-jireh, O no ba bontši Jehofa-jireh lehono bjalo ka ge A be a le thabeng le Abraham.” “O sa kgona go tšweletša phoofolo, go letago la Gagwe. Dihlorana tše e be e se pono. Ke di thuntše. Madi a tšwile go tšona. Ke di boile le go di ja. Di be di se dipono. Di be di le dihlorana.” Ke rile, “Jehofa-jireh yola wa go swana, a leka go tliša tshepišo ya Gagwe godimo go nna, ka go bokoto bja ka le go se kgone ga monagano, O be a kgona go bolela tlhoko ya ka go ba gona, go swana le ge A kgonne go bolela tlhoko ya Abraham go ba gona.”

¹⁷⁶ Ga se ka feta go bolela seo, go fihla, Kgaetšedi Hattie, a dutšego fale a lla bjale, a se a bolela lentšu, gomme o rile, “Seo ga se selo eupša therešo.”

¹⁷⁷ O boletše selo sa maleba. O boletše go no swana le Banks a boletše tlase kua. Ke kwele segalontšu sa gagwe, ge Se swieletše go tloga ditsebeng tša ka, boka godimo ka dithokgweng.

¹⁷⁸ Mdi. Wright, a dutšego morago kua le mosetsana wa gagwe yo monnyane, o be a leka go hlatholla se Edith a se boletšego. Ke be ke sa kgone go kwa Mdi. Wright.

¹⁷⁹ Gomme Tlotšo yela ya godimodimo e swietše godimo ga ka, e rile, “Botša Hattie gore o hweditše mogau mo pele ga Modimo.” Ke mang a ka bego a naganne? O rile, “Mmotše a kgopele e ka ba eng a e ratago. Gona o a e bolela, ka mpho ye, go beng gona. E ka ba eng a e kgopelago, e bolele go beng gona.”

¹⁸⁰ Ke lebeletše go Kgaetšedi Hattie. Lekga la mathomo e kilego ya dirwa go motho. Ke rile, “Kgaetšedi Hattie, kgopela se o se ratago. Modimo o ya go go fa sona.”

¹⁸¹ O nagana eng ka seo? A se tsena ka go wena? Makga a šupa O e tiišeditše, ka phoofolo. Šupa ke nomoro ya go felela ya Modimo. Nako ya pele še go motho. Gomme, Yena, O kgethile eng, botsebalegi bjo bogolo, modiredi yo mogolo wa go tsebega? Mosadi yo monnyane wa mohlologadi wa go šokiša yo a sa kgonego le go ngwala leina la gagwe. Modimo o tseba se A se dirago.

O rile, “Kgopela se o se ratago.”

Hattie o rile go nna, “Ngwanešu Branham, o ra go reng?”

¹⁸² Ke rile, “Kgopela eng kapa eng pelo ya gago e e kganyogago, gomme e tla tšweletšwa thwi mo, gore o tla tseba gore Morena Modimo wa Legodimo o a araba, gomme Mangwalo a Gagwe ke therešo.”

¹⁸³ Lekga la ka la mathomo ka mpho ye mpsha; Tlotšo ya ka ya mathomo. Ke be ke sa kgone go mo kwa. Gomme o lebeletše tikologong. Re be re bolela ka wa gagwe yo monnyane, samme wa go golofala. Ke rile, “Oo, ga go pelaelo,” ka pelong ya ka, “mo metsotsong e se mekae Edith yo monnyane o tla be a tabogela go letago la Modimo.”

¹⁸⁴ Hattie o lebeletše go dikologa, gohle go dikologa. Gomme o rile, “Ngwanešu Bill, tlhologelo ya ka ye kgolokgolo ke bakeng sa phološo ya bašemane ba ka ba babedi.” A... Gobaneng, go ka be go se be le selo se segolwane. A ka be a kgopetše ditolara tše dikete tše lesome, a ka be a e hweditše. Go ka reng ge nkabe e be e le radimilione yo mongwe a ka be a kgopetše milione wo mongwe? Modimo o tsebile se a bego a eya go se kgopela.

¹⁸⁵ Kgaetšedi Hattie, bonnyane, dihlatse tše šupa goba tše seswai di eme fale. Lena batho bohole bao le bego le le gona ge seo se direga, phagamiša seatla sa gago. Yo mongwe le yo mongwe ka moagong, o be a le gona, seo se diregile; tee, pedi, tharo, nne, tlhano, tshela, šupa. Ba šupa ba bona. Ba seswai ba bona. Ba seswai ba bona ba be ba le gona ge seo se direga.

¹⁸⁶ Ke rile, “Kgopela e ka ba eng o nyakago. Gobane, Modimo o mphile yona, go go fa, e ka ba eng o e nyakago.”

¹⁸⁷ O rile bašemane ba gagwe ba be ba thoma go ya thoko ka mantladima a mahlalagading. Gomme o rile, “Phološo ya bašemane ba ka ba babedi.”

¹⁸⁸ Ke rile, “Ka thato ya Modimo, ka Maatla a Modimo, ke a go fa, ka Leina la Jesu Kriste, tlhologelo ya gago.” Gomme bašemane ba gagwe ba babedi ba šikinyegile ka tlase ga Maatla a Modimo. Gomme moago wola ka moka o rorometše. Banks o wetše ka porotong ya gagwe. Shelby o sware. Gomme Hattie o ile a goelela go fihla o kgonia go mo kwa bakeng sa dipoloko tše

pedi. Gomme bona bašemane ba babedi, ka megokgo e keleketla go theoga marama a bona, ba amogetše tlwa se ba se kgopetšego, thwi nako yeo. Oo!

¹⁸⁹ Lekga la mathomo e kilego ya šomišwa go motho. “Kgopela se o se ratago, gomme o tla se fiwa.” Bašemane ba gagwe, ba dutše fale le yena, mosong wo.

¹⁹⁰ O be a ka kgopela eng? Go ka reng ge a ka be a kgopetše phodišo ya sammagwe yo monnyane? Go ka reng ge a ka be a kgopetše seo? Mosetsana yo monnyane a ka be a fodišitšwe, eupša bašemane ba gagwe ba babedi ba lahlegile. Go ka reng ge . . .

¹⁹¹ Mohlologadi yola wa go šokiša, yo a sa tšogo mpotša gore o lekile go fa kereke ye ditolara tše masometlhano go keno, go thuša go aga kereke ye mpsha. Gomme Ngwanešu Roberson ga se a ke a e tšea, gomme a mo dumelela feela go fa masomepedi a tšona. Gomme ke rile go nnamong, ge a be a bolela, “Ke tla mo fa morago masomepedi.”

¹⁹² Eupša Modimo o rile go nna, ka pelong ya ka, bjale, e sego ka pono, ka pelong ya ka, “Ge Jesu a be a eme, a bogetse mohlologadi a bea dipeni tše tharo, fao go bego go le dikete tša ditolara di robetše, o be o tla dira eng?”

¹⁹³ Ke rile, “Gabotse, ge nkabe ke be ke eme fale, ke be ke tla re, ‘Ga re e hloke, kgaetšedi. Re na le tšelete ye ntši.’” Eupša Jesu ga se a ke a e bolela. O mo dumeletše go ya pele le go e dira, gobane O tsebile se se bego se le tlase tseleng.

¹⁹⁴ Kafao nthuše, Modimo bjalo ka moahlodi wa ka wa go botega, Modimo o tsebile seo se be se le tlase tseleng bakeng sa gagwe. Gomme ka kitimiša seatla sa ka ka potleng ya ka, go bušetša pukumoraba ya ka, go mo fa ditolara tše masomepedi morago, le go re, “Kgaetšedi Hattie . . .”

Eupša O rile, “O se e dire.”

¹⁹⁵ Gomme ka gona metsotso e se mekae, ge potšišo e tlišwa godimo ka Jehofa-jireh, o rile, “Seo ga se selo eupša therešo.” Gomme e tšwa pelong ya mosadi wa mohlologadi wa modiidi, Modimo o be a tseba gore o be a tla kgopela selo se segologologolo se se ka kgonago go dirwa. Ge feela go na le Legodimo, ge dinaledi di ile, ge go se sa na ngwedi, go se sa ne lefase, go se sa ne lewatle, bona bašemane ba tla phela go kgabola Bokagosafelego le Jehofa-jireh wa go swana Yo a filego tshepišo ya go se hwe. Ditshepišo tša Gagwe di ka se palelwé.

¹⁹⁶ Ke lebeletše pele bakeng sa go tla ga kopano ye tlase fa ka San Jose. Oo, ge e ka no phulega! Bjale ge Tlotšo e ratha, “Kgopelang se le se ratago.” Ke na le netefatšo ya go phethagala gore ge Yeo e ratha, gomme eng kapa eng Modimo a e beago go kgopelwa, e tla no ba tlwa ka tsela yeo. E swanetše go ba, “Ka gore ge o re go thaba yeo.”

¹⁹⁷ Le a bona, ga se wena o bolelago. Ga se wena. Ke Modimo. Ke wena, o ineetše kudu—kudu go Modimo.

¹⁹⁸ Bjale šetšang baprofeta ba kgale, ge re tswalela. Baprofeta ba kgale, ge ba bone go Tla ga Morena Jesu, ba be ba le kudu ka Moyeng go fihla ba bolela mo o ka rego e be e le bonabeng. Lebelelang Dafida ka go Dipesaleme, Pesaleme 22, a goeleta, “Modimo wa Ka, Modimo wa Ka, ka baka la eng O Ntlogetše?” E sego Dafida; e be e le Kriste, mengwaga ye makgolo seswai moragwana. “Marapo ohle a ka a ntebeletše. Ba ntšišnyeditše dipounama tša bona. Ba retolotše hlogo ya bona.” Ba rile, “O pholositše ba bangwe, eupša Yenamong ga A kgone go iphološa.” Dafida, a bolela mo o ka rego e be e le yenamong. Eupša e be e le Moya wa Modimo ka go yena; Kriste, a bolela pele.

¹⁹⁹ Oo, Modimo a tumišwe, a sepelela ka Kerekeng ya Gagwe, ka botlalo bja Maatla a Gagwe, a sepela magareng ga batho ba Gagwe, a phurulotše diphego tša Gagwe tše kgolo tša kgaogelo. A nke A tumišwe!

²⁰⁰ Ga ke na le nako ya theroy ka. A re inamišeng dihlogo tša rena lebakana feela.

²⁰¹ A go na le yo motee mo, mosong wo, goba ke ba bakae ba bona ba lego mo, ba ba tsebago gore ga se ba lokela ka nako ye go kopana le Modimo? A o ka phagamiša diatla tša gago, le go re, “Nthapediše, Ngwanešu Branham.” Re ka se kgone go go tliša aletareng, gobane dialetara di tletše. Modimo a go šegofatše, ngwanešu; wena, kgaetšedi; wena, ngwanešu; wena, le wena morago fao, gohle go dikologa; wena, mohumagadi yo moswa; wena, ngwanešu wa ka; moragorago ka morago, gohle go dikologa. Modimo o bona diatla tša lena.

²⁰² Ge A ka kgona go tliša kgapa go ba gona ge fao go se kgapa, ge A ka kgona go tliša diphoofolo go ba gona, ge A amega ka mohlare wo monnyane wa mogo o medilego ka lehlakoreng la thaba, goba ye nnyane, hlapo ya go hwa e robetše ka meetseng, ke bontši gakaakang A tsebago tlhogeloy gago! Gomme ya gago... Kgonthé, O a dira. O a tseba gore o a Mo hloka. “Kgopelang, gomme le tla amogela. Ge le rapela, dumelang gore le amogela se le se kgopelago.” A woo e bile Moya wo Mokgethwa wo o phagamišitšeego seatla sa gago? Ge e be e le, gona Tlotšo e godimo ga gago. Gona rapela, gomme o dumele Modimo, gomme o tla ba le se o se boletšeego.

²⁰³ Tate wa Legodimong, bjalo ka ge letšatši le le rotogela kgauswi le gare ga mosegare, gomme ke bile ka botelele fa mosong wo, ka kanegelo ye ya mogau wo Mokgethwa wa Gago, go ya ka Lentšu la Gago. Go ngwadilwe ka Mangwalong, gore Jesu Morena wa rena o rile, “Yo a dumelago go Nna, mediro ye Ke e dirago, o tla e dira le yena.” Gomme re a tseba gore mediro yeo ke therešo. O kgona go hlatha dikgopoloy tša batho. O boditše Petro gore o be a le mang, leina la gagwe e be e le

mang, se tatagwe a bego a le sona. O boditše Filipi ge a tlišitše Nathaniele, goba a boditše Nathaniele, a ke re, gore O mmone ka tlase ga mohlare pele a etla. O boditše mosadi, mo sedibeng, ke bannabagatša ba bakae a bilego le bona. Oo, ga se gona se utagaletše go Wena. O tsebile dilo tšohle. Gomme yeo e be e le mediro ya Gago. Gona, re a Go bona o bolela go mohlare wola wa mogo.

²⁰⁴ O Morena, ke a dumela iri e etla ka pela, yeo ge dillofo le dihlapi di tla atišwago. Go tla tla leswao la sebata, ka pela. Go tla tla mohlakanelwa wa dikereke. Gomme ba tla bea leswao ntle, kereke ya go dirwa yunione, gore, “Ga go motho a ka kgonago go reka goba go rekiša.” Gomme Kereke ya Gago, e ka se ba tshwenye, gobane Moya wo Mokgethwa wa Gago o tla ba etapele le go ba fepa, bjalo ka ge O dirile Israele ka lešokeng. Wena o Modimo. O se re dumelele go foša seo, Morena. Re dire re dule, re botega. Re dire re be ba therešo.

²⁰⁵ Bjale ga ke tsebe feela se se tla direga neng gape, Morena. Mohlomongwe mosong wo, gape. Mohlomongwe se tla direga gape ka tabarenekeleng lehono. Go tshepeng gore e tla direga, Morena. Ke tshepa gore O tla bea tumelo ka dipelong tša batho, le go tseba gore ga se ka ba timetša goba go bolela selo se tee sa phošo. Ke e boletše feela ka tsela ye e tlago, go bokaonekaone bjo ke bo tsebago ka pelong ya ka, Morena, ke šeditše mantšu a ka le go a ela. Ka go tseba gore O tiišeditše seo go nna, bjalo ka ge ke boletše, lekga la šupa. Gomme go tsebeng, ka pela ka morago ga fao, go motho wa mathomo nkilego ka bolela le yena, o hweditše kganyogo ya pelo ya gagwe, nakwana ye a boletšego.

²⁰⁶ Bjale, Morena, go na le ditlhologelo tše ntši ka fa mosong wo. O tla swanela go tlotša mohlanka wa Gago, Morena. Ge O ka no romela Tlotšo! A nke ke be le Yona, mosong wo. Ge e ka ba mang a ka hloka, O no e bolela go nna, Morena, ge ba bolela, goba e ka ba neng, e ka ba mang O ratago. Gomme a nke e tle go phethega.

²⁰⁷ Bjale, ke a tseba gore se se boletšwego nako yeo, e ka se be nna, e tla ba Wena, Morena, o bolela. Ke ineela nnamong go Wena, gomme pele ke tloga go bodiredi bjo, mohuta wa kgale, wa dipono le go ya pele, mo aletareng ye, moo ke gafetšego bophelo bja ka ka boswa; go tšwa go rereng Ebangedi, go ya go maswao le matete. Ke ikgafela ka bonna gape mosong wo, go Wena, Morena, bakeng sa tirelo. Lekga la mathomo se se boletšwe. Lekga la mathomo, Morena, gore E bonagaditšwe. Fa go dutše dihlatse.

²⁰⁸ O Morena Modimo, ge go na le eng kapa eng O ka kgona go šomiša legapi le la kgale la ka ka gore, ke nna wa Gago, Morena. Ntšee, gomme o nkgoloke, le go mpeakanya, le go dira se sengwe, Morena, se se tla hlomphago le go tagafatša Wena. E phatlaletše ntłe magareng ga badiredi ba bangwe. E romele go dikhutlo tše nne tša lefase. Diiri di ba thari. Jesu o etla.

²⁰⁹ Šegofatša batho ba Gago, mmogo. Phološa balahlegi. Yo mongwe le yo mongwe yo a phagamisitšego diatla tša bona mo, mosong wo, ba phološe, Morena. Ba fe Moya wo Mokgethwa. A nke maphelo a bona a gafelwe go Wena.

²¹⁰ Kereke ye nnyane ye, Morena, modiša, le modiša yo mongwe le yo mongwe mo, moebangedi yo mongwe le yo mongwe, morutiši, leloko le lengwe le le lengwe la kereke ye nngwe le ye nngwe. O Modimo, bjalo ka mmele wa batho, re ineela borena go Wena. Re tšeem gomme o re šomiše, Morena. Ke ren a gago, le go letela go tla go Wena letšatši le lengwe, ka khutšo.

²¹¹ Bjale ge go ka ba le balwetši goba batlaišegi, a nke ba fodišwe, mosong wo. A nke mogau wa Gago le ditšhegofatšo tša Gosafelego di khutše godimo ga bona, ge re ba rapelela, ka go bea diatla tša ren a godimo ga bona le go rapela. A nke Moya wo Mokgethwa o tle le go dira mošomo wo A o beetšego go dirwa. E fe, Tate. Ka Jesu Kriste, re kgopela tšhegofatšo ye. Amene.

²¹² Ke le boditše therešo ya go botega. Feela bjalo ka ge Modimo a e utolotše, gomme o e dirile, ka potego ke le boditše therešo. Gomme bjale ke nyaka ka tiišetšo le go kganyoga dithapelo ga lena. Ke lemoga gore monna wa mengwaga ya ka, bogolo bja mengwaga ye masometlhano . . .

²¹³ Mosong wo mongwe, ke rile go mosadimogatša, “Ke šetše ke le masometlhano, hani. Ge ke direla Morena e ka ba eng, ke swanetše go hlaganel.”

²¹⁴ O rile, “Bill, Modimo o hlahlile Moshe mengwaga ye masomeseswai.” Gomme o rile, “A ka kgona go go katša lebakla mengwaga ye mengwe ye masometlhano, go hwetša tirelo ya letšatši le tee go tšwa go wena. O na le morero bakeng sa gago, kafao e no šišimala.” Ke naganne bjoo e be e le bohlale bjo bontši, “Šišimala.”

²¹⁵ Modimo o sepediša seatla se sengwe le se sengwe feela go ya ka peakanyo ye kgolo ya Gagwe. E no šišimala. O se leke go ka godimo . . . go leka go kgorometša. O ya pele ga Gagwe, gona. Ka moka go kaonana kudu go leka go latela go feta ka mo go lego go etapele, gobane Yena ke moetapele.

²¹⁶ Bjale, go kereke ya ka ye nnyane fa, mohlape wa ka wo monnyane woo o botegilego kudu, gomme o nthapeletše, gohle ntle go kgabaganya lefase. Ke a dumela go na le tšišinyego ye nngwe ya lefase ka bophara e tlago. Dilo tše ke le boditše go ke therešo. Ka Letšatši la Kahlolo, ke tla le lebanya mošola ka kanegelo ya go swana, feela therešo boka ke eme fa.

²¹⁷ Bjale, ke na le nnete lena bohole le ka kgona go bona se e lego. Ke go tla ga ye kgolwane, Tlotšo ya go tebatebi ya Moya wo Mokgethwa. Mokgwa wa go tsena ka go Yona, ga ke tsebe. Selo se nnoši ke se tsebago, go tšeem Modimo go go bea ka go Yona. Kafao, o no phela bose bjalo, le go kokobela, le kgauswi

le Modimo ka mo o kgonago. O se Mmelaele. E no dumela gore se sengwe le se sengwe se šoma feela go iša go tše botse, go wena, gomme se sengwe le se sengwe se tla šoma go dikologa gabotse. Le a bona?

²¹⁸ E no elelwa, ke wena nku. Ke Yena Leeba. Gomme leeba le etella kwana pele. Ge... Gomme kwana le leeba di na le tlhago ye e swanago. Leeba le bonolonolo kudu go dinonyana tšohle tša legodimo. Kwana e bonolonolo kudu go diphoofolo tšohle tša lefase. Kafao, le a bona, meboya ya tšona e tla nyalelana seng. Bjale, leeba le be le ka se kgone go tla go phiri. Le a bona? Le be le ka se dule fao. Phiri ke mmolai. Kwana e bonolo.

²¹⁹ Kafao, le a bona, ke Kwana le Leeba, gomme ye tee e etapele ye nngwe. Gomme le bona moo Leeba le etilegopele Kwana go ya gona? Tsela yohle go ya Khalibari, go bapolwa. "Gomme Yena ga se a ke a bula molomo wa Gagwe." Ge ba Mo tshwela, Yena ga se a ke a tshwela morago. Ge ba Mo phasotše, Yena ga se a ke a iphasolela morago. O nno ya thwi pele, a tseba gore O be a le, bakeng sa letago la Modimo, O be a dira thato ya Modimo.

²²⁰ Kgaetšedi Hattie, re kgauswi go dikologa lebaka la go swana. Ngwanešu George Wright kua, tatagwe, le bašemanne ba gagwe, mme, Shelby.

²²¹ Ke nyaka go bolela se. Ke a thanka le makala gobaneng ke tsogile le go sepelela ka ntle ga ntlo ka pela bjalo ka ge ke dirile. Ga se ka ke... Ke bile fao bahetene ba batala ba dikete tše masometharo ba ilego ba phološwa ka nako e tee, Afrika Borwa, ba tla go Kriste. Ke naganne yela e be e le Tlotšo ye kgolokgolo nkilego ka e kwa. Ga se ya ke, ga go ditsela, di bapetšwago le seo tlase ka ga George Wright, letšatši le lengwe. Ga se ka ke ka tsoge ka ikwela e ka ba efe boka Yela. Kamora ka moka e nno bonala go no ba se—se Seetša sa Letago la Modimo.

²²² Bjale, Kgaetšedi Hattie o homotše kudu gomme mosadi yo monnyane wa bodumedi kudu, ga a tsoge a phagamiša segalontšu sa gagwe ka e ka ba eng. Eupša o be o ka kgonago mo kwa a goelela, poloko ya toropokgolo, ge Moya wo Mokgethwra o rathile moago. Yo mongwe le yo mongwe, yo mongwe le yo mongwe fao, o O kwele. O be o makatša. Re ka no phela nako ye telele, eupša, Kgaetšedi Hattie, ge feela go na le monagano ka monaganong wa rena, re tla elelwa seo, le Kgaetšedi Wright.

²²³ Bjale, gore batho ba ke ba tsebe gore ke boletše seo feela therešo tlwa, a o ka phagamišetša seatla sa gago godimo, Kgaetšedi Hattie, kafao, gore, Kgaetšedi Wright le lena bohle le bego le le fale, le be le no ba fale, feela gore le kgone go bona. Le a bona? Bona šebao.

²²⁴ Šo, emeleta, Kgaetšedi Hattie. Šoo mosadi yo monnyane wa mohlologadi yo mohlolo o diregilego godimo ga gagwe, la mathomo. Wa feta batho bohle ba lefase, bakeng sa selo sela go direga pele go wa go šokiša, yo monnyane, mosadi wa

mohlologadi wa go kokobela godimo patogeng ya thaba, godimo kua a leka go tšweletša leroro la lehea go tšwa mmung wa lehlwahlwa ntle kua, go hlokomela bana ba gagwe. Yoo ke yena Modimo a mo hlomphilego, lekga la mathomo ge e sa le go tloga matšatšing a... a Jesu Kriste, gomme o rile, "Kgopela se o se ratago."

²²⁵ Ke rile, "Ke hlohla e ka ba mang, ka Leina la Morena. Ge Moya wola o ratha le go bolela sela, ga Ke kgathale se o se kgopelago, se tla fiwa."

²²⁶ Le a tseba gobaneng babušakalehumo ba se ba e hwetša, goba magagęšo a magolo boka ao? Ke ka gobane Modimo o tsebile be ba tla kgopela dilo tše di bego di se tša loka go bona.

²²⁷ O E fa batho ba A tsebago ba tla kgopela selo sa maleba. Gomme ke eng bontši mosadi yola a bego a ka kgona... Ke eng bontši? E no mpotša e ka ba eng a bego a ka kgona go e kgopela bogolwane go feta seo. Mmagwe le tatagwe ba phološitšwe. Samme wa gagwe yo monnyane o phološitšwe. Lapa lohle le phološitšwe, ntle le bašemane ba babedi, ka nako yeo. Ba be ba se ba phološwa.

²²⁸ Ke batho ba badiidi. Shelby o mpoditše letseno la gagwe la kgafetšakgafetša, bakeng sa puno ye botse, o hweditše palomoka ya ditolara tše makgolotshela ka ngwaga. Go šoma go fihla mošemane a le e ka ba mengwaga ya ka, gomme o robegela fase gohle, se sengwe le se sengwe. Gomme o a šoma, o hlokomela tatagwe le mmagwe, gomme ba tšofetše, le go leka go hlokomela wa gagwe yo monnyane, kgaetšedi wa go tlaišega. Eupša o phološitšwe. Ngwanešu Wright, bohole ba bona, ba phološitšwe.

²²⁹ Eupša bona ba babedi ba be ba se ba phološwa. Gomme Hattie o kgopetše phološo ya bana ba gagwe, ge feela go na le Bokagosafelego. A ka be a kgopetše ditolara tše dikete tše lesome, gomme a e hwetša. A ka be a kgopetše e ka ba eng a bego a tla e dira. Eupša Modimo o tseba se o yago go se kgopela, pele A ka tsoge a bea Tlotšo. Yeo ke nnete.

²³⁰ Kgaetšedi Hattie, a ke nnete, gore ke rile, "Kgopela e ka ba eng o e kganyogago. E ka ba eng pelo ya gago e e kganyogago, e kgopele, Hattie"? A yeo ke nnete, Kgaetšedi Hattie? Le a bona? Le a bona? "Kgopela e ka ba eng o nyakago, ga e dire phapano se e lego sona. E kgopele. Modimo o rile go nna, 'E no bolela se a se kgopetšego, gomme o tla ba le sona.'" Ke rile, "Se kgopele bjale, feela e ka ba eng o e kganyogago." Gomme o e dirile.

²³¹ Oo, ngwanešu, kgaetšedi, a o lemoga letšatši le re phelago ka go lona? Nako ya letago kudukudu, ge Modimo wa Legodimo a tla bea magareng ga motho, go, "Kgopela eng kapa eng o e ratago, gomme O tla go fa yona." Huh! E-e tebile kudu bakeng sa monagano wa ka. Ke tseba seo. Eupša ke a holofela, ka pelong ya ka, nka kgona go swara bontši bja Yona ka mo nka kgonago. Ke, e no ba... Ke phetše ka Yona. Ke atlegile ka Yona. Ke ya go

leba bodikela go Yona. Ke tsena dikopano go Yona. Ke phela go Yona. Mantšu a Modimo ke nnete.

²³² Bjale, bokgole bjo ke tsebago, seo ke selo sa mafelelo go direga. Ga ke tsebe selo gape, se e ka bago, go no fa batho, “Kgopela eng kapa eng o e kganyogago, ga go kgathale se e lego sona. E no e kgopela, gomme e tla fiwa go wena.”

²³³ Gomme a le kgona go bona bohlale? Ke ba bakae ba dumelago seo, gore mosadi yola o kgopetše selo se segologolo se bego se ka kgona go kgopelwa? A re go bone. A o be o ka eleletša? Mo—mo mosadi le samme wa go tlaišega, a ka be a kgopetše phodišo ya gagwe. Mosadi yo a diilago, gomme mmagwe le tatagwe, badiidi, le bohole ba bona ba diila, a ka be a kgopetše tšhelete gomme a e hwetša. A ka be a kgopetše mengwaga go oketšwe bophelong bja gagwe, gomme a e hwetša. Eupša o kgopetše selo se segologolo seo se ka kgopelwago, pholoso ya lapa la gagwe la go se pholoswe, gomme o e hweditše. Amene. Seo ke kgwekgwe ya selo. O se hweditše, ka Modimo wa go swana yo a fago tshepišo. Yena ke Modimo. Oo, ke Mo rata bjang!

²³⁴ Bjale re ya . . . A go na le balwetši mo ba tla rapelelwago? Phagamišetša seatla sa gago godimo. Mosadi o leditše mašego a se makae a go feta. Go ne ba bararo ba bona, ke a dumela, go tšwa California goba se sengwe, ba mpoditše. Bao ba rilego, “Re tlile makga a mabedi goba a mararo, gomme le fa ntle dikarata tša thapelo, gomme dinomoro tša rena ga di bitšwe.” Ke mo diretše tshepišo, ge a ka dula godimo, gore ke tla no rapelela balwetši mosong wo.

²³⁵ Ke ba bakae ba bilego ka fa ge re bile le ditlhatho le dilo? Oo, lena bohole, ke a nagana, yo mongwe le yo mongwe fa. Le a bona? Re a tseba gore yeo ke therešo. Re sepelela ka godimo ga seo bjale. Oo, tumišo e be go Modimo! Re sepelela ka godimo ga seo bjale. Mohlomongwe se tla tla go phethega . . . Ga ke tsebe se Modimo a tla se dirago mosong wo.

²³⁶ Eupša lena batho ba le babjago le go tlaišega, ke ya go le kgopela go no tla, ba sego ba bakae ka nako. A nke ba ka lehlakoreng le *mo*, ba tle godimo, gore re kgone go rapelela ba ka lehlakoreng le pele. Mohlomongwe nka kgona go e swara ka mokgwa woo. Etla thwi godimo mo, kgaetšedi. E nong go lokologana thwi godimo mo. Gobane ga re ne . . . Ba swanetše go ba romela morago tlase go mokgoba wa go swana, ka lebaka la bona ba eya morago go lefelo la go swana.

²³⁷ Nka kgona go bolela ka tsela ye moisa yo monnyane yo a boletšego, mosong wo, o dumela go phodišo Kgethwa, ke a tseba, le go dumela ka go Maatla a Modimo. A go na le modiredi yo mongwe mo, mosong wo, yoo e lego mo—mo modiredi yo a dumelago gore Modimo o fodiša balwetši? Ge a le gona, a a tle godimo fa, yo mongwe le yo mongwe. Lena bohole etlang fa gomme le eme le rena ge re rapelela ba, balwetši ba le batlaišwa.

E ka ba mang wa lena baena yoo a dumelago gore Modimo o fodiša balwetši, Modimo a go šegofatše, mohlomphegi, etla thwi pele. Re nyaka le tle thwi fa le rena.

²³⁸ Bjale ga re tsebe se Moya wo Mokgethwa o ka se dirago. Moya wo Mokgethwa a nke, ka nako ye, o dire feela boka A dirile tlase ga Kgaetšedi Wright letšatši le lengwe. Ke a tshepa gore O tla dira. Ga ke tsebe. Le a kwešiša? Ke ba bakae ba tsebago...? Gabotse, ga go ba bantši ba lena ba šetšego fa, ge dipono la mathomo di thoma. Ga ke tsebe ke nako efe di tla tlago, se di tla se dirago. Se sengwe le se sengwe se ka go thato ya Modimo gomme se swanetše go laolwa ke Modimo. Ke ba bakae ba tsebago seo? Modimo o be a ka se kgone go fa banna dilo go di laola, bonabeng. Ge ba dirile, gona, le a bona, e be e ka se be Modimo. E be e ka se be Modimo. E be e tla ba... Ke nyaka le nagane fa, bagwera, ka go lefelo le lennyane le la fase, eupša ka fao Morena ka go felela o, Ngwanešu Mike, ka godimo ga moriti e ka ba ofe wa go kamaka, o re šegofaditše, le go dira le go dira feela tlwa se A tshepišitšego O tla se dira.

²³⁹ Ke ba bakae ba kilego ba kwa ka kgopolو ya godimodimo? Ba bantši ba lena ba dirile. E—e no se be selo eupša nonwane, sememoya. Eupša, le a tseba, ba ka se kgone... Tšona dilo ga di tsee nako. Ga di swarelele. Ba ka se tsoge ba hwetša materiale e ka ba ofe. Ba tla dula fase kua gomme ba ba... Ba re, "Go na le moya. Go na le moya." Gomme ba tla leka go tšea seswantšho sa yona, goba se sengwe. Ga ba kgone go e dira. Le a bona? E no ba ga e gona. Ke saekolotši, monagano. Le a bona?

Eupša se Modimo a se dirago se phethagetše.

²⁴⁰ Ge Moshe a lahletše lepara la gagwe fase, ramaleatlana o lahletše lepara la gagwe fase, le yena. Bobedi a ile a fetoga disephente. A yeo ke nnete? Eupša go diregile eng ka lepara la Jannes le Jamboro? Lepara la Moshe le le meditše. Gomme ge Moshe a topile lepara la gagwe, e be e sa le lepara. Eupša lepara la bona le be le le kae? Ka gare ga lepara la Moshe. Le a bona? O be o ka se kgone go le bona. Ge Modimo a dira e ka ba eng, O e dira ya kgonthie.

²⁴¹ Bjale ba a mpotša, "Moya wo Mokgethwa, le a tseba," ba re, "bao ke batho ba nnogo go hlakahlakanywa. Ke ya monagano. Tšona dipono le dilo, tšeо e no ba go bala monagano."

²⁴² Gabotse, ge George J. Lacy a hlahlobile seswantšho sela fale, ge Morongwa yola wa Morena, bontši bja lena le emego fa le Se bone mo nokeng, le makga a mantši. O rile, "Ngwanešu Branham, leihlo la motšhene la khamera ye ga le tsee saekolotši." O rile, "Seetša se be se le fale. Sesele Sona." Ke sa ka gosafelego. Ke therešo. Kafao, le a bona, ke Morongwa wa go swana wa Modimo. Bjale Se šetšeng. Tlhago ya Sona e a Se netefatša.

²⁴³ Ge A be a le mo lefaseng, Se be se dula ka go Morena Jesu Kriste, Yo e bego e le Modimo a dirilwe go bonagala. Gomme

bjale Jesu o rile, “Lebakana le lennyane gomme lefase le ka se Mpone gape, efela, lena le tla Mpona, ka gore Ke tla ba le lena, le ka go lena, go fihla bofelong bja lefase. Gomme dilo tše le di dirago, tše Ke di dirago, le tla di dira le lena.”

²⁴⁴ Bjale Se šetšeng, ge Se etla. Motho a ka bolela e ka ba eng, eupša ge Modimo a e thekga, seo se e dira therešo. Bjale šetšang tlhago ya Morongwa yola. Ge A dira motho go ineela kudu go Yena, O dira selo sa go swana seo Jesu a se dirilego ge A be a le fa lefaseng. Gobane, re barwa le barwedi ba Modimo, ge re tswetšwe ka Moya wa Gagwe. Le a bona? Gomme ga se selo sa nonwane. E na le bohlatse go e netefatša. Go laetša gore ke nnete. Kafao phološo ya rena e phethagetše ka go felela.

²⁴⁵ Modimo wa Legodimo, Yo a bilego le baprofeta bohle go bolela ka go Tla ga Morena Jesu. Gomme Jesu, ge A etla, O phethagaditše seprofeto se sengwe le se sengwe. Tše ntši tša tšona di phethagaditše sefapanong, “o gobaditše ka baka la dikarogo tša rena,” le se Dafida a se boletšego, “Modimo wa Ka, a O Ntlogetše?” Eupša ge Modimo a romela moprofeta, moprofeta a bolela, Modimo o dira therešo yeo, ge e le Modimo. Fao ke mo A rilego, go ba tseba. “Ge ba boletše, gomme se ba se boletšego sa tla go phethega, gona ba dumeleng, gobane Ke na le bona; ge e sa direge, gona ba—ga se bona. Ke baprofeta ba maaka.” O rile, “Eupša, go ba maraka, go bona ge eba di tla go phethega.”

²⁴⁶ Bjale lebelelang. Ge... Modimo, Yo a boletšego ka go moprofeta yo mokgethwa, o boletše ka go tla ga Mesia, go letago le tlhompho ya Modimo.

²⁴⁷ Ge ke tsebile ke mang a bego a tla ba mopresidente lehlabula la go latela, gomme ka e bolela, seo e be e tla ba seprofeto. Yeo ke nnete. Eupša Modimo ga a profete ka mokgwa woo, go no, oo, go no be a raloka. Modimo o dira se sengwe go Mo tagafatša. Le a bona?

Eupša ge Mesia a etla, gomme ge Mesia a tlogile . . .

²⁴⁸ Ke nyaka go botšiša, lena bohle Methodist, Baptist, Presbyterian, Katoliki, Lutheran, Pentecostal, Nazarene, Pilgrim Holiness, lena bohle. Ke nyaka go le botšiša se sengwe. A ga le nagane gore Kgoši yela ya baprofeta, Jesu, a ka be a tsebile mokgwa wa go beakanya Kereke ya Gagwe Mong? Ge baprofeta bohle ba boletše ka Yena, gomme ba šupile go Yena, ke mohuta ofe wa Kereke A e hlomilego? Ge A tlogile, O rile . . . Ge A be a le mo lefaseng, O boditše Petro, “Go kutollo ya Lentšu la Modimo,” O rile, “godimo ga leswika le Ke tla aga Kereke ya Ka, gomme dikgoro tša hele di ka se kgone go fenya kgahlanong le Yona.” A yeo ga se nnete? Go lokile. Ge A be a . . .

²⁴⁹ Pele A tloga, ka go Mareka 16, O rile, “Maswao a a tla latela bona ba ba dumelago.” A O e boletše? “Leineng la Ka ba tla raka bodiabolo, ba bolela ka maleme a maswa, ba swara disephente, ba nwa dilo tše di bolayago.” Gape O rile, “Mediro ye Ke e dirago

le tla e dira le lena.” A yeo ke nnete? Ao ke maswao ao a tla latelago Kereke ya Gagwe. Ga se kerekeleina. Ke mokgatlo wo o beakantswego o beilwego ke Modimo, o tladitšwego ka Moya wo Mokgethwa, Kereke ye e tswetšwego ke Legodimo yeo e tšwago go dikerekemaina tšohle, sehlopha sa kgontha sa batho ba go dumela.

²⁵⁰ Badiredi ba ba emego mo ba no ba mmogo le nna. Ke renabatho. Ke Yena Modimo, eupša re mo go Mo emela. Re mo go le botša gore re . . . Modimo o re rometše go dira mošomo wo, go bea diatla godimo ga balwetši. “Maswao a a tla ba latela.” Wona maswao, maswao ohle a A boletšego ka wona, a tla latela modumedi. Šea wona, a a latela. A a latela.

²⁵¹ Gomme Modimo ga se mohlomphi wa motho. Se A se diretšego Hattie, O tla go direla. Se A se diretšego sefov, O tla go direla, sefov. Se A se direlago sefoa, O tla go direla. E ka ba eng A e diretšego e ka ba mang gape, O tla go direla, ge feela o ka dumela. A yeo ke nnete?

Bjale, Ngwanešu Teddy, ke nyaka o bapale *Dumela Feela*.

²⁵² Gomme ge batho ba ba feta go kgabola mothalo, gona re tla tsea lehlakore le lengwe. Re ya go tla go kgabola, renabohle re bea diatla godimo ga lena, re le rapelela, gore malwetši a lena a tla fodišwa. Gomme go ka kgonega. Go tla ba. Gomme ga ke tsebe se Modimo a yago go se dira. Ke nno ema fa thwi bjale, ke sa tsebe ke dire eng. Ke no ya go rapelela balwetši boka ke tshepišitše yo mongwe yoo ke tla mo dirago. Go no rapelela . . .

²⁵³ Lamorena la go feta, elelwang, ke le boditše. Lamorena la go feta e be e le—e be e le dikutollo, le go ya pele. Lamorena le ke tla rapelela balwetši.

A re rapeleng bjale.

²⁵⁴ Morena, re ema fa bjalo ka bahlanka ba Gago. Re ema pele ga batho ba Gago. Re mo. Ga re tsebe se O tla se dirago. O ka no bolela ka leleme. O ka no hlatholla. O ka no fa pono. O ka no ntira go tsea seatla sa yo mongwe, bakeng sa kutollo. O ka no bolela le go fa maatlataolo, go, “Bolela e ka ba eng o e ratago.” Ga ke tsebe se O yago go se dira, Morena. Gomme mohlomongwe O nyaka re bea diatla go balwetši. Ga re tsebe gore ke eng. Re no nyaka go kgahla Wena, Morena. Re ema fa, bjalo ka bahlanka ba Gago. Gomme ba ke batho ba Gago, gomme re leka go ba thuša, go ya ka se Lentšu la Gago le rego dirang. Re leka go latela taelo ya Gago. Gomme ke rapela Wena, Morena, gore O tla re fa seo re se hlokago, go direla batho, ka Leina la Jesu Kriste. Amene.

²⁵⁵ Ke nyaka bohle ka moka ga lena beang hlogo ya lena fase gomme le rapele. Ge Ngwanešu Wood, ge o ka rata . . .

²⁵⁶ Gomme, banešu badiredi, ke a dumela re tla ema thwi godimo fa. Ke ba bakae ba lego fale? Ba bane ba lena fa? Go lokile. Ba babedi ka lehlakoreng le lengwe le le lengwe fale,

gomme ke tla ema thwi mo hlogong ya mothalo, thwi fa. Le a bona? Feela nakwana e tee. Bjale, thwi go dikologa, etla godimo fa, ngwanešu, morategi. Bjale, yeo ke yona, ema thwi go bapa fale bjale, gomme ge ba feta kgaušwi. Phuthego yohle... Bjale, ge lena bašemane ba bannyane le ka šuthela morago gannyane, gore ba kgone go sepela go feta.

²⁵⁷ Bjale, ge bohole re rapela, eyang thwi go otlologa go ditulo tša lena—tša lena gona. Mo metsotsong e se mekae, ke tla bitša bakeng sa ka lehlakoreng le lengwe.

²⁵⁸ Bjale, yo mongwe le yo mongwe wa lena, e sego feela badiredi, eupša, lena bohole le swanetše go rapelela batho ba. Ga o tsebe se Modimo a ka go direlago ge o rapelela yo mongwe gape. Go ka reng ge o ka bolela selo sa maleba? Go ka reng ge... Mosadi šo o eme mo, yo a babjago kudu ba swanetše go mo swareletša. Go ka reng ge thapelo ya gago e ka ba selo sa maleba, feela boka Banks a boletše selo sa maleba, boka Hattie a boletše selo sa maleba? Go ka reng ge o ka bolela selo sa maleba, thapelo ya gago, go dira Modimo go tla tlase le go dira se sengwe? Le a bona, yo e no se be motho o tee. Ye ke Kereke ya Modimo wa go phela, yo mongwe le yo mongwe. Le a bona? Bjale, yo mongwe le yo mongwe eba ka thapelong.

²⁵⁹ Bjale, a ye ke yona? Ngwanešu Banks, o no tliša batho go kgabola. Yo mongwe ema ka *fa*, ge o ka rata. Yo mongwe wa diašara o kae? Ngwanešu Byrd, ba thuše go kgabola, nako yeo. Ngwanešu Banks, wena etla mo, gona, ge o ka dira, mo.

A re rapeleng.

Morena Jesu...[Ga go selo go theipi—Mor.]...?...

²⁶⁰ Ee, tšwelapele o ba tliša bjale. A nke ba fodišwe, ge re bea diatla godimo ga bona!...?...

Etlang thwi pele bjale. Yo mongwe le yo mongwe wa lena, rapelang bjale!...?...

²⁶¹ Leineng la Jesu Kriste...?... Leineng la Jesu Kriste, re bea diatla...?...

Re thabile kudu go...?...[Ga go selo go theipi—Mor.]...?...

²⁶² Fodiša balwetši le batlaišwa, mafelo a go fapania. Gomme a nke ba šegofatšwe, Tate, go tlhompho le letago la Modimo, Leineng la Jesu Kriste. Amene.

²⁶³ (Bjale dirang kgonthe...?... Gona le tla ba komana, thwi nako yeo?) Go lokile. Ge... .

²⁶⁴ Morena a go šegofatše, ngwanešu. [Ngwanešu o re, "Morena a go šegofatše. Ke tšwa Sweet Home, Oregon, Ngwanešu Branham."—Mor.] Gabotse, go tšwa Oregon. ["Gomme re tla go bona mo..."] San Jose. ["San Jose. Re lebile fale."] Gabotse, semaka. Modimo a go šegofatše. Ke a holofela—ke a holofela gore

e tla no ba ye nngwe ya dikopano tše kgolokgolo. [“Re a tseba e tla dira. Ge Modimo a le fao, e swanetše go ba.”] Ke a leboga—ke a go leboga, ngwanešu wa ka. Morena a go šegofatše.

²⁶⁵ A se ga se bjalo ka Legodimo? Ge o nagana, go rera Ebangedi, gomme disoulo di phagamišetša diatla tša tšona go Kriste, balwetši le batlaišwa ba feta go kgabola mothalo, ditirelo tša kolobetšo, kopanelo, boena, yeo e no ba—feela nthathana ye nnyane ya Legodimo e wetše fase lefaseng. Le a tseba, re... Ke ikwela boka se moapostola a se boletšego nako yela, “Go botse go rena go ba mo.” Ge re ka kgona... Ga re hloke eupša Tabarenekele e tee. Eupša re rata go ba mo bakeng sa tirelo ya Modimo.

²⁶⁶ Bjale, yo mongwe le yo mongwe wa lena batho bao le tliego go kgabola mothalo mosong wo, le rapeletšwego, nno elelwang, gore Modimo wa go swana yoo a filego dilo tšohle tše tše o le di kwelego di dirwa go dikologa naga, gomme ke therešo, feela therešo ka mo di kgonago go ba. Gomme bohle badiredi ba mo, le se se dirilwego ka bodireding bja bona, se se dirilwego ka go bodiredi bjo Morena a mphilego, re eme fa ka tlhokofalo, ka dipelo tšohle tša rena, re rapela, re bea diatla godimo ga lena, feela tlwa se Jesu a se boletšego. “Maswao a a tla latela bona bao ba dumelago. Ge ba bea diatla go balwetši, ba tla welwa ke maruru.” Bjale e no ba... Go ne selo se tee feela go e thibela go se direge, seo e tla ba go wena go se e dumele.

²⁶⁷ Jesu o rile, “Etlang go Nna, lena bohle bao le katanago le go rwala boima, Ke tla le fa khutšo. Mang le mang a ratago, a a tle.” Bjale go na le tsela e tee feela go wena go e foša. Lentšu la Modimo ke therešo. Tsela e tee go wena go e foša, ke go se tle. A yeo ga se nnete? Yeo ke tsela go wena go e foša.

²⁶⁸ Modimo o rile, “Maswao a a tla latela bona ba ba dumelago. Ge ba bea diatla godimo ga balwetši, ba tla welwa ke maruru.” Go ne tsela e tee feela go wena go e foša, yeo ke gosedumele. Ge o ka dumela Lentšu la Modimo, Modimo o tla boloka Lentšu la Gagwe. Le a bona, go... Seo e tla ba...

²⁶⁹ Yeo ke ya pele, ya mathomo. Yeo ke tsela ya go rapelela balwetši. Ba fetiše go kgabola, bea diatla godimo ga bona, ba tlotše, goba e ka ba eng Modimo a e boletšego, tsela. Eupša ka morago ga tše tšohle, go Modimo go le dira le tsebe gore O magareng ga batho ba Gagwe, O bontšha maswao le matete. Gomme, le a bona, ke matete le mehlolo ya Modimo yo a phelago, go dira dilo tše A di dirago. Bjale, O a makatša. A ga le nagane bjalo?

²⁷⁰ Bjale baena ba a itokiša, ka fale, bakeng sa ti—ti tirelo ya kolobetšo. Gomme e tla no ba ka pela. Gomme bjale, bao ba swanetšego go kolobetšwa, basadi ba ya kamoreng. A yeo ke nnete, basadi godimo *kua?* Basadi godimo *fa*, gomme banna ka lehlakoreng *le*.

²⁷¹ Ge re sa dira komana bakeng sa tirelo ya kolobetšo, Ke nyaka go bala Lengwalo, mo metsotsong e se mekae ya go latela. Gomme re tla ba . . .

²⁷² Ke a tseba a mangwe a maoto a lena a tlamegile go be a le bohloko, go tšwa go emeng. Gomme ge le ka kgona go ema feela dinakwana di se kae boteletšana, le tla bona pono ye botse ge le bona go—go karabetšwa ga batho ba.

²⁷³ Ke nyaka go bala Mangwalo a mangwe bjale a hwetšwago ka go Puku ya Ditiro, tema ya 2, ge ba sa lokišetša kolobetšo. Ke a nagana go na le feela e ka ba babedi goba ba bararo go kolobetšwa; go ka se tsee eupša nakwana feela. Gomme ke nyaka le theetše sekgauswi bjale. Ke ya go thoma go bala go tšwa go Ditiro 2, temana ya 28, go thoma, go bala.

*Wena o dirile go tsebja go nna tse tsela ya bophelo—
ditsela tša bophelo (ke ka bontši); wena o tla ntira ke
tlale thabo le ka sefahlego sa gago.*

*Banna le baena, a nke ke boleleleng ka go lokologa
le lena ka mopatriaka Dafida, gore bobedi o hwile le
go bolokwa, gomme lebitla la gagwe le ne rena go fihla
letšatši le.*

Kagona go beng moprofeta, . . .

²⁷⁴ Ke ba bakae ba tsebilego Dafida o be a le moprofeta? Kgonthé. O be a le mopesaleme le moprofeta.

*Kagona go beng moprofeta, le tsebo yeo Modimo a
enetšego ka keno go yena, gore dikenywa tša matheka
a gagwe, go ya ka nama, o be a tla tsoša Kriste go dula
teroneng ya gagwe;*

*Yena go boneng se pele a bolela ka tsogo ya Kriste, gore
soulo ya gagwe e be e se ya tlogelwe ka heleng, ebile le
nama ya gagwe ga se e bone go senyega.*

*Jesu yo Modimo o mo tsošitše, kagona bohle re
dihlatse.*

²⁷⁵ A seo ga se kwagale boka lehono? Re dihlatse tša dilo tše. Nka kgona go bolela, mosong wo, “Hattie, ka moka ga lena, re dihlatse tša dilo tše.”

*Kagona go beng ka seatleng se setona sa Modimo o
phagamisitšwe, . . . o amogetše go Tate tshepišo ya Moya
wo Mokgethwa, o šetše a tšholletše se, se le se bonago
bjale le go se kwa.*

*Gobane Dafida ga se a rotogela ka legodimong: eupša o
boletše yenamong, MORENA o rile go Morena wa ka, Dula
wena ka seatleng sa ka se setona.*

²⁷⁶ Le elelwá Lamorena la go feta ka fao re boletšego ka baprofeta, bohle bona banna ba bagolo, ka fao ba ilego ba swanela go hwa? Eupša yo Motee o tlie, Peu ya bogoshi!

*... Dula wena ka seatleng sa ka se setona,
Go fihla Ke dira manaba a gago bogato bja dinao tša
gago.*

*Kagona a nke ntlo yohle ya Israele e tsebe ka nnete,
gore Modimo o dirile Jesu yo wa go swana, yo le...
mmapotšego, bobedi Morena le Kriste.*

*Bjale ge ba kwele se (gore Jesu o be a le bobedi
Morena le Kriste); bjale ge ba kwele se, ba ile ba hlabega
ka dipelong tša bona, gomme ba rile go Petro le...
baapostola ka moka, Banna le baena, re tla dira eng?*

*Ka gona Petro o rile go bona, Sokologang, gomme le
kolobetšweng yo mongwe le yo mongwe wa lena Leineng
la Jesu Kriste bakeng sa go tlošwa ga sebe, gomme le tla
amogela neo ya Moya wo Mokgethwa.*

*Ka gore tshepišo ke ya lena, le go bana ba lena, le go
bona ba ba lego kgole kgole, ebole le ba bantsi ba Morena
Modimo wa rena a tlago go ba bitša.*

*Gomme ka mantšu a mangwe a mantši o ile a paka le
go tutuetša, a re, Ipolokeng lendabeng go tšwa go moloko
wo mobe wo.*

*Gomme ba ba amogetšego lentšu la gagwe ka lethabo
ba ile ba kolobetšwa: gomme letšatši la go swana fale go
okeditšwe go bona e ka ba disoulo tše dikete tše tharo.*

*Gomme ba tšwetšepele ka go tiela ka go thuto ya
baapostola le ka kopanelong, le... go ngwatha senkgwa,
le ka dithapelo.*

*Gomme poifo e tlide godimo ga soulo ye nngwe le ye
nngwe: gomme matete a mantši le maswao a dirilwe ke
baapostola.*

*Gomme bohole ba ba dumetšego ba be ba kgobokane
mmogo, gomme ba bile le dilo tšohle go ba mmogo.*

*...ba rekišitše dithoto tša bona le diphahlo, gomme
ba di aroganya go batho bohole, go ya ka fao motho yo
mongwe le yo mongwe a bilego le tlhoko.*

*Gomme bona, ba tšwelapele tšatši ka tšatši ka mmero
o tee ka tempeleng, ...ba ngwatha senkgwa go tloga
ntlong go ya ntlong, ba jele dijo tša bona ka thakgalo
le botee bja pelo,*

*Ba tumiša Modimo, le go ba le go ratwa ke batho bohole.
Gomme Morena o okeditše go kereke tšatši ka tšatši bao
ba swanetšego go phološwa.*

²⁷⁷ Bjale feels ge ba sa tla go meetse... Le ntira ke tsebe ge a
fihla, go ya meetseng.

²⁷⁸ Gore le ke le tsebe gore mogau wola wa go ikema o rena le
Modimo, ke nyaka go ya morago. Ke no se kgone go thuša go

bea se sengwe gape ka gare. A le be le tseba, bašemane bale ba babedi, bana ba mosadi yola bao ba phološitšwego, Modimo o tsebile seo pele ga motheo wa lefase? Gomme maina a bona ka kgontha a beilwe Pukung ya Kwana ya Bophelo, pele ga motheo wa lefase. Beibele e bolela seo. Gomme e swanetše feela go šoma go motsotswo.

²⁷⁹ A le be le tseba, Modimo o tsebile gore re tla be re eme fa, mengwaga ye milione tše lesome pele lefase le ka tsoge la thongwa? Le a tseba, O tsebile re tla be re eme fa, mosong wo. Bohlokamagomo bja Modimo bo tsebile ntšhi ye nngwe le ye nngwe, tšošwane ye nngwe le ye nngwe, nako ye nngwe le ye nngwe ge di tla ponya mahlo a tšona, gomme ba tla tšweletša bontši bjo bokae. Pele lefase le ka tsoge la bopša, Modimo o e tsebile.

²⁸⁰ Bjale, o re, “Gabotse, ge A e tseba, gona gobaneng o rera?”

²⁸¹ Yoo ke Modimo, karolo ya lenaneo la Modimo. Go rera ke lenaneo la Gagwe. Ge A lebeletše godimo ga baapostola . . . O lebeletše godimo ga puno. O rile, “Puno e budule, gomme bašomi ga ba nene. Rapelang Morena wa puno, gore o tla romela bašomi ka punong ya Gagwe.” Ke ba bakae ba elelwago seo? Gabotse, gobaneng ba be ba swanetše go rapela Morena wa puno, go romela bašomi ka punong ya Gagwe, ge Morena wa puno a be a eme fale, a tseba e be e tla dirwa? Gobaneng? Modimo o e beakantše bjalo, gore la Gagwe . . . Bjale theetšang se. Modimo o e beakantše bjalo, gore lenaneo la Gagwe ga le kgone go sepela ntle le wena le nna. Gomme ge feela re sa dire se Modimo a re hlahlelago go se dira, re golofatša lenaneo la Gagwe. Eupša ge Kereke e sepela ka tlotšo ya Moya wo Mokgethwa, gona re ka go thato ya Modimo, re dira lenaneo la Gagwe. Oo! Ka pela ge ke bowa go tšwa California, Morena ge a rata . . .

²⁸² Se Tabarenekele ya Branham e se hlokago ke tsošeletšo. Amene. Ba hloka tsošeletšo le go tlatswa ga Moya wo Mokgethwa. Bjale yeo ke tlhoko ye kgolo ya tabarenekele. Ba bangwe ba batho ba bakaonekaone ka lefaseng ba tla mo, eupša se ba se hlokago ke kolobetšo ya Moya wo Mokgethwa. Ke ikwela yona, nka kgona go e bolela. Gomme ka pela ge re bowa morago, ge Morena a rata, re ya go ba le tsošeletšo bakeng sa wona morero woo, gore maloko a tabarenekele ye, moo batho ba bego ba nyaka Moya wo Mokgethwa, ba ka tla ka gare, ba amogela ditaelo le se sengwe le se sengwe gape. Dikopano tša thapelka fa, go amogela Moya wo Mokgethwa, gore kereke e ke e boole morago ka go thato ya Modimo, le go sepelela pele ka lenaneo la Modimo, ge e eya pele.

Morena a le šegofatše. Ke a dumela ba komana bjale mogobeng.

²⁸³ O tšeа ye, gomme ka gona ke tla ya ka kua le go rapela le bona . . . ? . . .



BODIREDI BJA KA BJO BOSWA NST59-1115
(My New Ministry)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Nofemere 15, 1959, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org